

華北廿年命史



Handwritten scribbles and numbers at the top left of the page.

孫嘉會

華北革命史



Text on the left pedestal plaque: 孫嘉會
革命軍
領袖
烈士

Text on the right pedestal plaque: 孫嘉會
革命軍
領袖
烈士

1930. 8. 1. 出版

Vertical text on the left side of the page, possibly a library or collection stamp.

Handwritten signature or name at the bottom of the page.

素友學社叢書

總發行處東北書社

教育宗旨論

楊蔭慶

體育學

章凌信

巴格萊氏教育學

董眾

楊氏教育文集

楊蔭慶

中華大歷史

孫嘉會

學校管理法大綱

楊蔭慶

華北革命史

孫嘉會

序

中國北方民衆：百分之七十經營農業，餘爲畜牧，大都身體偉健，知識簡陋；以土脈較瘠，生活困難，養成勤儉吃苦耐勞之精神；又以河少山多交通不便，與外人接觸較少，民性質直有敢死之風，而失於粗魯。每遇外族侵略，或政治壓迫卽起反抗以自救，或挺身走險進行暗殺；或斬羊擧義轉戰千里。惟往往以無精確之理論與全盤之計劃，徒犧牲無數之頭顱終歸於敗。然其革命精神及點點血跡，永存於人類史上矣！本書之編輯有五要點：

第一 使北方民衆認識其光榮之革命史跡；激發革命精神，繼續工作。

第二 使南方民衆明白北方革命事實，打破近日：「北方民衆是專制頭腦」之惡印象；攜手向國際帝國主義及封建軍閥共同奮鬥，以早日完成國民革命。

| | |
|---------------|-------|
| 第四章 打倒軍閥 | (50) |
| 第一節 剷除安福系 | (50) |
| 第一 武穴主和 | (50) |
| 第二 五四運動 | (51) |
| 第三 驅逐陳樹藩 | (63) |
| 第二節 首都革命 | (71) |
| 第三節 豫陝之戰 | (75) |
| 第四節 國奉之役 | (77) |
| 第五節 南口苦戰 | (84) |
| 第六節 五原誓師 恢復陝豫 | (86) |
| 第七節 晉奉之役 | (91) |
| 第八節 兩佔徐州 | (94) |
| 第九節 會師京津 | (97) |
| 第十節 新中社 | (106) |
| 第十一節 護黨救國 | (107) |
| 第五章 國際之戰 | (114) |


華北革命史

第一章 民國紀元前之革命運動

第一節 興漢滅滿——白蓮教

中國北方多高山峻嶺，交通不便；因天然之影響，自古人民性實重節氣，尚俠義，富於涉險思想，古人所謂燕趙多慷慨悲歌之士。惟乏理論，無完善之組織，致歸失敗。然考其動機，每含革命之意義；徒以方法不良，反為社會之病，誠可慨也！

凡因外力之壓迫，不堪容忍；羣起反抗，謀解除痛苦而達較優之境地，均為革命運動。華北自魏晉而後五胡紛擾，遼金元清復據為畿輔；所受外族強暴壓迫之痛苦甚於江南；其恢復漢室之志亦先伏於人心——民族思想——。晉代有僧名慧遠者組織『白蓮社』集眾講經，為後世白蓮教附會。元以外族君臨華夏，民不悅服；世祖之世叛者屢起。直隸藥城韓



某創『白蓮會』，以治病救劫爲名。焚香惑眾，密聚黨徒，恢復漢室，事覺請徙永平。後官妾擅政，人心騷動；韓某之孫山童復倡『白蓮會』。謂彌勒佛降世，援救漢民。派黨徒赴河南安徽江蘇山東密秘宣傳，各省人民翕然從之。又自稱爲宋徽宗八世孫，當爲中華君主，刑馬牛誓天地，以紅巾爲號，約潁州劉福通共起兵。山童失敗被擒，其子韓林兒潛逃，依劉福通，劉擁之爲小明主，國號曰宋。破潁州，朱臯據汝寧及光州息州，率眾十餘萬進陷汴梁。後與元將察罕帖木兒大戰，劉陣亡，朱元璋迎林兒居滁州，旋林兒亦卒。朱元璋有天下，白蓮黨闐然息兵。熹宗時宦官魏忠賢亂政殃民；薊州王森詭稱得神狐吳香倡『白蓮教』以救民爲宗旨。王自稱聞香教主，下有大小傳頭及會主諸名號。直，魯，晉，豫，秦，蜀各省人民多從之。後王被捕死於獄。其子好賢及鉅野徐鶴儒武邑于宏志踵起，信者益眾。鶴儒號中興福烈帝，以紅巾爲識，約中秋起兵。謀露徐先發據山東鄆城及鄒滕嶧三縣。經大小數

十戰以食盡潰敗，徐被捕送京師就戮。嗣其徒轉相傳授，真意漸失。清起滅明，入主中華，而明朝遺民痛國破家亡，咸存光復之念。惟形勢已非，不可救藥；學者若顧亭林，黃梨洲，王船山等，惟從事著述，寄以排滿復漢之旨。及文字獄興，志士潛跡，利用迷信暗結團體：南方有三合會，哥老會；北方有天理教，白蓮教。乾隆四十年，河南人劉松倡白蓮教，以符咒治病，反對滿清。後被捕戍甘邊，其黨劉之協、宋之清，繼起傳播，揚言規運將至，彼等能救眾生。擁鹿邑王發生，詭為明裔朱姓當主中華。事洩王被捕，劉等脫逃。官廳大索，羣盜蜂起。嘉慶間，劉之協與王廷詔、姚文富、齊王氏結合殺官吏，擾襲樊南陽，分入川、陝、甘肅。為總兵王文雄所敗，之協慘死。而其餘黨更造作經卷，傳習於直、魯、豫等省，有八卦、樂華，紅陽，白陽，義和，如意諸門之分，八卦門傳布為最眾。河南清縣李文成屬震卦教，直隸宛平縣林清屬坎卦教。李黨數萬人，林則結交官禁，賄通內侍。相與約定先收山西，

次河南山東；直隸由林清負責。十八年閏八月林黨竊喜謂：『經云：「二入中秋，黃花落地」；閏八月不利滿清。當於閏八月十五日——九月十五日——午時內外並舉，必覆滿清』。秋滑縣知事強克捷微聞其謀；急捕文成下獄，斷其脛。教黨遂於閏八月七日聚眾三千佔滑縣，釋文成，屠克捷及其家屬數十人。直隸之長垣東昌；山東之曹州定陶金鄉同時響應。林黨曹福昌以預備未周擬於十七日起事，而林泥於經語不欲改期。林進駐黃村鎮，密令二百餘人入京師，於十五日集於菜市由宣武門進城，各攜兵刃伏酒肆中，待日中手持白旗分攻東西華門，以祝現，李五爲首。約太監劉得揚進忠分路引導，閻進喜等爲內應。事起護軍閉門拒之，教黨入者僅百許人，佔尙衣監，文瀾館，復至隆宗門登垣入內宮，爲皇子吳寧及貝勒縣志以鳥槍擊斃數人，眾稍退。諸大臣先後率兵自神武門入，戰於太和門及各街巷之間，經二日之久教黨始盡潰。十七日於黃村擒林清與同謀太監，一時斷戮者百餘

人。清廷既滅林清，復令陝甘總督那彥成與楊遇春合兵攻文成於道口，圍滑縣。圍急文成退入輝縣山間，自焚死。清兵復滑縣斬首二萬級，慘不忍聞。後世之義和團紅燈照一柱香仍爲其餘黨，每於夜間雜男女一室，焚香祝禱，原意漸失。清帝每年至熱河狩獵，供給浩繁。蒙古王公尤藉故聚斂中飽，民力不支；羣思反抗。光緒十五年平泉，建昌，朝陽，赤峯等縣人民密秘組織「學好會」，首領稱老師。初講儒書，崇孝順，尚禮義；繼則施符咒，練刀兵。旗幟分紅藍黑三色，以興漢族排滿蒙爲宗旨。十七年八月蒙王探悉秘謀，一面報知滿清，一面捕其首領數人，囚於平泉。會眾大譁佔平泉，決計先攻赤峯哈爾克沁，再進攻古北口入京師。清令聶士成出古北口攻平泉；葉志超由奉天錦州攻朝陽。大戰於榆樹林，長皋，毛家窪一帶。漢人屠殺老少蒙人兩萬餘名，旋敗被剿家株連受刑者亦當之。

第二節 扶清滅洋——義和團

中國經濟道光鴉片之役，咸豐英法聯軍之役，光緒間中法中日兩役；香港台灣琉球澎湖諸島，安南緬甸朝鮮諸國爲英日法所奪，屏藩盡失。旅順口大連灣威海衛膠州灣九龍半島廣州灣租借於英法德俄，門戶俱歛。借債賠款，足以滅種亡國之事繼踵而起；列強環伺遠東，瓜分之局已成。志士學者咸痛惜中華將淪於異族。况自外洋貨物輸入，土貨不能暢銷；一般農工人民大受損失，均伏排外之心。自興辦學校，建設鐵路而後，需用浩繁賦稅增加，眾目之爲洋務尤惹農民之反感。

外人於中法戰——光緒十一年——後得自由傳教，及購土地設教堂之權。各地宣傳，大有一日千里之勢。而信者多利用其勢力資財，欺侮平民。外國教士遇有民教爭訟則曲護教徒。地方官畏威屈服不敢抗辯；於是土豪劣紳亦相率入教，魚肉鄉民。人民含冤無告，積爲痛恨之心。後因滿清排外，羣起附和共抗國際帝國主義之國家；發生義和團之舉。

光緒二十三年五月曹縣起大刀會，官兵不能制。十月其首領劉士瑞、彭桂林、趙天吉等憤耶蘇教徒之拔扈毀教堂，殺德國教士二人。十一月德藉故佔領膠州灣；小刀會復謀反抗，失敗，被殺者數十人。二十四年英人乘亂佔威海衛。山東人民目覩外人之凶暴，羣情憤激；有白蓮教黨藉習拳術爲名暗結團體。設壇焚香，佩符誦咒。附會西遊記，封神傳，三國演義，七俠五義諸書中之姓名奉之爲神仙。自言神仙附體，能避洋槍火礮。論其組織以督管最高，實際則僅司財政雜務。次爲大師兄主持行動賞罰，權最重。二師兄則務糾察專司戒煙酒茶葷色諸事。二十五年五月曹縣朱紅燈、李中來等揭義和團之旗，倡扶清滅洋之說。內分乾坎艮震巽離坤兌八門，包紅黃各色頭巾，持刀杖到處焚教堂，殺洋人，教徒，及本地土豪劣紳，清平定陶響應。山東巡撫毓賢謂：『拳民皆義民，且有神術可用。今國勢日衰，民志不伸；若再殺拳民，不啻自翦其翼。』十一月袁世凱代爲巡撫派兵驅逐，殺朱紅燈，

餘眾入直隸山西蔓延京畿，直督裕祿信之。二十六年慈禧既
 惡英日庇護變法首領康有為梁啟超，復恨各公使反對其廢光
 緒立溥儀為大阿哥之主張；遂使載漪——溥儀之父——榮祿
 剛毅等聯絡義和團縱其排外。五月初端王引大師兄曹福田等
 入宮試演王公多信之。義和團之勢大張，終日以降神仇教，
 毀壞鐵路電線為事。加入者多勞動階級，昔日殃民之官吏士
 紳多被殺戮，而小人循私圖報復者亦有之。天津有紅燈照一
 派專召集十餘齡幼女設壇傳法，謂四十九日學成能於空中投
 火焚燒教堂，學者甚眾。北京各公使紛紛調兵入都。日本書
 記杉山彬迎於永定門為董福祥之甘軍所殺；中外戰起。京津
 一帶之教民多起加入。二十二日兵民會攻天津東南之紫竹林，
 戰事甚為激烈。總兵羅榮光戰死，大沽失守，天津益危。
 時北京兵民殺死德國公使克林德於東單牌樓。六月十七日入
 國聯軍佔天津提督聶士成，總兵劉榮光均戰死，雙方死亡各
 數千人。裕祿馬玉琨率兵民退守楊村，聯軍進攻，老少團民

冒彈直前，毫無懼色。徒以烏合之眾，單刀長槍，不如機關槍大礮，雖獲小勝，不能持久；再退廊坊黃村，死者數萬人，馬福祥率騎兵增援。北平自五月二十日兵攻東交民巷及西什庫天主堂，因各國僑民徵兵固守，久攻不克，僅殺外人男女百餘人。聯軍進兵益急，由京奉路及北運河兩路北攻，大臣李秉衡陣亡，武清縣不保。七月十七日通州失守，裕祿死之。聯軍會攻京師，二十一日由東直門入城，搜索團民，死者甚眾。聯軍繼向京南保定一帶搜捕焚殺，遭難者不可勝計，至今傳爲浩劫。翌年九月七日和議簽字，遺爲國恥。北方民衆經此挫折，對外仇視之思想復轉爲滅清之意志。

熱河華子溝之人民受松樹嘴天主堂之壓迫，不堪容忍；於光緒二十八年有鄧來峯者組織民團反抗外人。教堂則擅捕人民，嚴審刑訊。激起公憤，大殺外人。法國派兵鎮壓，軍民衝突。互有傷亡，法比意三國公使向滿清抗議。清派馬三元率毅軍十營至華子溝，強制解散民團。民團反對解散，改爲收撫。

，鄧旋伏誅。於是各省仇教排外者至清終而無聞焉。

此外有「在理教」亦白蓮教之支派，其祖曰楊萊如明萬曆進士，山東卽墨人。宗師尹禧，傳於燕齊之間。奉佛教之法，修道教之行，習儒家之禮；戒煙酒以定性健身。不焚香，不供像，而多用咒語，其黨流入東三省者甚眾。光緒三十二年黃興遣宋教仁，白逾桓，赴關東運動會黨及馬俠，以圖關東獨立爲北方革命之根據地。辛亥年民黨張繼宋教仁等至滿洲齋書聯絡，與其頭目李逢春金壽山等訂盟，約集遼河黑水義軍合爲一體，西入榆關。與南方民軍夾攻京師。其黨徒後歸張榕藍天蔚等指揮矣。

第三節 進行暗殺

林清謀於京師也，其黨成得北京人有勇力，爲內務府司廚。隨清嘉慶帝至圓明園，先林之舉而謀刺帝，未中，成被擒。問之，只云：『事成，則公等不得安坐此矣。』遂與其二

子並被戮。旋林清亦失敗。嗣諸國環伺，人心不安。戊戌政變，號稱維新者或殺或逐，舉國離心；革命之聲浪漸高，暗殺之端再起。

桐城吳樾從吳汝綸游學保定蓮池書院與革命巨子楊守仁張



吳 樾

榕鄧毓怡等友善。每談及亡國滅種之事，則仰泣不已；共以炸權巨鐵良爲任。光緒二十九年鄧毓怡遊學日本，與黨人相交。翌年鄧攜炸藥，先回北京。後因同謀

數人，以事洩死於途。鄧遂逃回日本，其炸藥爲常某棄於宣武門外護城河中。三十一年清派五大臣——載澤，徐世昌，紹英，端方，戴鴻慈——出洋考察政治，籌備立憲；以緩革命反清排滿之勢。吳樾謂：「滿清無立憲資格，宜建設民族

主義之國家。」且恐僞憲告成，全國志士爲其所欺；則漢族沉淪永無脫離滿族羈絆之日；故又決心炸五大臣。七月二十六日五大臣至前門東車站將乘車赴津，吳樾同張榕節爲僕役攜入站，誤進隨員車炸斃隨員一人僕役數人，紹英載澤亦被傷。吳樾之下身粉碎而死；張榕幸脫逃，滿清大索十日一無所獲。咸不知刺客姓氏，乃陳尸車站以待認領。既聞月東京同盟會得吳遺書，真相始明。

三十四年熊成基起事於安徽，爲朱家寶姜桂題所敗；逃往日本。與奉天駐軍爾震等聯絡，密通消息。宣統元年十月孫榮助以書籍，以賣書爲名赴滿洲。更名張建勳至吉林，持友人臧某函致臧貫三家。恆往來吉林哈爾濱之間。貫三利其多金，報告官廳。十二月二十四日在哈埠與同志喻培倫石往寬被捕，解送吉林。二年一月十六日熊氏死難。

廣東汪兆銘於日本辦民報鼓吹革命，聞廣州革命失敗大憤。適民報爲日本干涉停版；遂回國至漢口，攜黃樹中，黎仲

實，喻培倫，陳璧君等男女同志六七人於二年三月入北京謀復慘殺之仇。於琉璃廠西南園開守真照像館。密製炸藥，結交宮人。在地安門外什刹海甘水橋下暗埋地雷，綴以電線，將以炸攝政王載灃。不期爲劉某發覺，展轉追究始將汪黃捕



獲下獄。民政部尙書善

汪 耆及載澤等鑒于黨案日

烈，非壓迫始能消滅；

兆 乃主以寬大出之，冀免

仇恨；故由死刑減爲永

銘 遠監禁。至辛亥九月十

五日滿清允黨人改組政

黨召集國會，汪等始恢復自由。

清室親貴良弼鐵良等結宗社黨，反對共和，尤惡南北和議

。主張負固一隅若臨北方；於是調兵遣將破太原，陷漢陽安

思苟全。咸疑袁世凱勾結宗社黨阻撓和議，非去之無以統一

；一殷志士皆欲刺袁。民國元年一月十六日袁自清宮出東華門至丁字街，有黨人謀刺之。黨人張先培自路南便宜坊酒樓上投下炸彈一枚，楊雨昌自路北三順茶店出猛投二枚，霹靂之聲震碎附近屋瓦，轟斃武官三人兵十二人，重傷者數人，而袁則乘車逃去。黃之萌出東安市場欲追擊之未及，三人被捕，宣告死刑，二十日絞死。

四川彭家珍於光緒三十三年赴日本調查軍務，入同盟會。宣統二年歸瀋陽，總督趙爾巽防範甚嚴，無機可乘轉來京師，供職於兵站。武昌起義彭奔走南北圖有所供獻。適良等反對共和，效忠清室，摧殘漢族；彭視之如仇敵，決心除之。遂奉黎元洪之命由武昌率炸彈隊循海道北上至天津。民國元年一月二十六日彭由津晉京，懷良像片一張及崇恭名片一張，炸彈二枚至西華門外紅羅廠良寓宅。冒稱崇恭名拜訪，適良外出，旋歸。甫下車，彭即取彈炸之。良被炸斷一足昏於地，彭因彈觸石反射應聲殞命。翌日良亦死。於是親

貴胆破，頑抗之心始衰；遂專倚袁世凱決定大計。南北因以統一。

北京人薛成華初於上海開華樂洋行入民黨。痛恨清軍殘酷焚燒漢口，廷臣昏庸阻撓共和；於辛亥十一月二十七日與車錫元張墨林屈振宗來北京住和陽旅館。初欲謀殺馮國璋蔭昌鐵良夏瑞等；十二月九日總鎮張懷芝組織南征隊由京赴天津整頓軍隊，薛等隨之南下。至津新站當張下車時卽炸之，未中。復擲第二彈，張已遠去。薛當爲警兵擒獲交營務處楊以德押訊。薛備受苛毒，體無完膚，翌日晨楊令用猛烈炸藥轟斃之。總督陳夔龍更爪牙網布嚴緝黨人。表演新劇之王鐘聲謀舉義未成身已先死。劉憲生等約於十一日子正起義，同志三十二人分攻總督，鎮台，鹽務，警察，四署。攻鎮台署一路炸彈先發，他路響應。與軍警巷戰，久之大敗，劉卽陣亡。被捕者三十餘人，內有女黨人六名，先後死義者數十人，負重傷者二十餘人。京津人心大恐，風聲鶴唳一夕數驚。武

漢革命不數月而能推倒清廷者，京畿死難諸烈士與有勞焉。

第二章 辛亥革命運動

第一節 各省革命之醞釀

光緒二十六年直隸張紹曾，蔣雁行入日本士官學校，與湖北之吳祿貞，藍天蔚等，結爲同志，蓄革命之念。二十九年秋，山西景定成於北京大學讀上海蘇報「革命軍」一文——四川鄒容作——激動革命思想。是年冬赴日本，就學於本鄉第一高等學校。閩錫山，喬宜齋及陝西井勿幕，張鳳翽，直隸張繼等相繼來日多入士官學校。三十一年七月孫中山先生所創之同盟會成立，留日學生數百人宣誓入會。景定成與章太炎諸人，以國學鼓吹革命。黃興與軍人同志李烈鈞，閩錫山，張紹曾，何成濬，劉基炎，孔庚，張鳳翽，溫壽泉，危道豐等別設秘密機關討論各省軍事問題。喻培倫，井勿幕，黃樹中，秋瑾等專學習製造彈藥。國內人士漸傾向革命。柳大

年，瞿方書，田永正，余煥東，趙緯，洪翼昇，湯鐵樵，唐乾一，劉馥，辜天保，劉彥，熊兆周，仇鰲，楊勉之等回國加入直隸奉天，吉林之政學各界宣傳革命主義，而與商震，錢拯，張根仁，吳景濂，張璧，張裕，王葆真，王法勤密秘聯絡，結成一體。此外有山東之丁維汾，于洪起，鄧天一；山西之谷思慎，王用賓；陝西之井勿幕，楊銘源，趙世鈺，焦易堂；河南之杜潛，劉基炎，潘祖培等紛紛歸國，創同盟分會。革命之勢力彌漫華北矣。旋英商福公司與清政府定約專辦山西之平，孟，潞，澤各處礦產，以六十年為限。感宣懷復與福公司續約，將山西礦權盡與英人。本地紳商向政府反抗，留日之山西學生亦起而爭礦，憤激異常。李培仁主張廢約自辦，深恐不能堅持到底；遂蹈海身死，遺書謂：「山西人未全死，決不令異族侵我尺寸土。」於是激起海內外同胞，決心爭礦，卒達到贖回自辦之目的。三十四年劉冠三，陳幹，商震於青島創辦震旦公學，藉為革命機關。赴日本請

景定成，陳家鼎等爲教員。因反對帝國主義國家之侵略，爲德國干涉，停辦。宣統元年井勿幕復約景赴西安作高等學校教員，豫爲革命之地步。與鄒子良，郭希仁，曹樹勳，李仲山，寇遐，王一山，焦子爵等深相接納。焦於西安創健本學校——學生中以胡景翼最爲出眾——及公益書局密秘傳播革命之言論及書籍，革命同志漸眾。常密聚於開元寺，計劃進行。二年三月聞汪兆銘案起於京師，留日陸軍各同志紛紛回國，加入南北各省新軍充教練官。知革命之機會已迫，復集於慈恩寺，雁塔之上，定南方舉義北方響應之大計。決議令景定成至日本，井勿幕赴江南，和同盟會諸人切實聯絡。八月景至日本，知南方各省積極進行，將有大舉。適福公司謀奪河南省礦權，河南同志憤恨，決以豫，晉，秦，隴協會各義派景定成，王月波等歸國至北京力爭礦權。時白逾桓因遼東運動革命失敗逃入京師，與張翊初，景定成等密謀首都革命。於香廠出刊歲華旬記小報——專於各報放年假停刊時出

版——，鼓吹平民精神。三年一月復刊國風日報，鼓動民眾監督政府。山東劉冠三，湖南仇亮，江西李烈鈞，湖北吳祿貞，田桐，直隸張紹曾等同志均藉此聯絡。及武昌革命軍興，北方各省繼踵起矣！



吳 祿 貞

第二節

近畿革命

湖北雲夢吳祿貞留學日本醉心革命。庚子年唐才常起兵漢口，吳潛歸，據安徽大通響應。

事敗復入日本求學。後赴東三省投效，得握兵權。宣統二年十二月以錫良之薦繼投祺瑞為第六鎮統制。因鐵良與錫良壓制漢族，陰嗾良弼與鐵良暗鬪。復聯絡張紹曾以傾良弼。良弼知其謀頗恨之。吳折節下士，延攬革命人材，大易軍中舊弁

，伺機圖大舉。直隸大城張紹曾在日結交民黨楊德隣等，歸國運動革命。辛亥一月以陸軍學校監督昇任第二十鎮統制，與吳祿貞及協統藍天蔚等秘密排滿之旨。安徽巢縣馮玉祥爲二十鎮管帶與排長孫建聲讀『嘉定屠城記』，『揚州十日記』，洞悉滿清慘暴，心爲感動，立志排滿以革命爲歸。曾於宣統元年聯絡革命人材管帶王金銘施從雲鄭金聲戴錫九王石清劉一清，排長張之江張樹聲李鳴鐘等於奉天新民屯組織武學研究會。聯合孫岳商震張學顏劉杏村等密議革命進行之計劃。三年事洩，孫岳，張學顏，劉杏村，李鳴鐘，張之江，張樹聲等先後受清軍檢察驅逐。及八月清廷調近畿各鎮陸軍至直隸永平舉行秋操。二十鎮管帶王金銘施從雲張建功等駐灤州，馮玉祥等駐海陽鎮散布革命消息及傳單。聞武昌舉義，謀與山東商震奉天藍天蔚直搗京津。惟協統蕭廣傳，標統范國璋甘心附清反對舉義，握重兵駐山海關。清廷令吳祿貞張紹曾合組南征軍，一日三令電催援鄂。而張於九月初聯合駐灤

各軍請對南罷兵講和；實行立憲。由奉天運往武漢之子彈爲張等扣留。並與吳祿貞陳其采致電黎大都督元洪謂：『請俟兩軍停戰後，集合同北代表組織新政府……』。清廷恐懼，突動力主從張之請；於十三日承認所請，宣布十九條；而張仍按兵不動。清令



張 紹 曾

吳祿貞往灤州宣撫。吳至，與張討論攻北京之方策，咸謂：『東南半壁雖有武漢開其先，然北京不下，民軍有仰攻之勞，成敗未可知也。』

『決定以灤州張紹曾部爲第一軍，奉天藍天蔚部爲第二軍，新民屯盧永祥部爲第三軍。糾合各軍集中豐台，以迫清帝遜位。清知之，謂各路列車至京師使各軍不便行動。時藍天蔚有於十六日令正定高陽民軍起義攻北京消息；且武漢請發動

之電報爲保定第六鎮部將李純所獲報告清廷。清廷免張紹曾統制職，以潘榘楹代之。吳在灤州聞清廷將發保定六鎮攻晉，乃密歸保定。吳前曾請帶隊南下，而密招勇士王榮九等數十人專作殺戮清將馮國璋等之需。清疑之准令南下，計於半途殺之。吳發覺稱病未行，次於石家莊。當光緒末年有高陽人張勳雲者聯合深縣劉耀西，楊震威，饒秉鈞等軍人，及學者王承曾，郭瑞浦，郝濯，張璧等三十餘人，於保定組織中華同盟會保定支會。後吳祿貞聯絡之，擬於保定舉義。辛亥九月晉省起義殺巡撫張娘子關，清以李純率師赴漢口，攻令吳禦晉軍。保定諸志士以同志軍人遠去，旗兵密布，不易成功；遂一部趨雄縣高陽起事，袁世凱派兵勦平，目之爲匪徒，咸不知爲革命運動也。吳祿貞携仇亮由石家莊輕騎赴娘子關，聯合晉軍姚維藩等。密帶晉軍五百人歸石家莊，以山西民軍就撫報清廷。適清軍焚燒漢口，吳請誅縱兵搶掠焚燒之將帥蔭昌馮國璋丁士源等以謝天下；並將運往武漢之軍械子



王金銘

施從雲

辛亥革命
起義大將
王金銘烈士
陳留

辛亥革命
起義大將
施從雲烈士
懷

彈扣留。謂：『謹仰體朝廷德意，凡運往戰地軍火子彈暫行扣留，以阻戰事而保和平……』等語。並密電灤州共起義師，平定河北。不幸其電爲直督陳夔龍所扣不能達。而北京一夕數驚。清親貴相向哭泣，人民逃避者日數萬人。廕昌夏弼等恨吳益甚。令六鎮已斥革之舊將馬惠田——或云馬步洲——等於十七日晨一時刺吳，並割其首獻北京。參謀張世膺，副官周維楨以救吳遇難。六鎮兵與旗兵衝突，石家莊大亂。姚維藩景定成仇亮史正軒等至石家莊招撫。吳鴻昌不欲入晉，率隊北逃。晉軍與六鎮一部遂攜扣留之軍械子彈西走入晉。徵祺瑞聞變自武漢繞道北上，十八日迫駐灤州之第三鎮兵。開往石家莊，收集六鎮散卒歸吳鴻昌周符麟統帥攻娘子關。張紹曾以六鎮三鎮先後離散，二十鎮復有范國璋潘傑楹等作梗，實力甚微；辭職赴津。聯合天津北洋法政學校教員白玉崑王宣北洋女子師範學校教員鄧毓怡及南方黨人，仍運動起事。自六鎮失敗，北方人士咸恥不克獨立，急謀於灤海。十

月杪山東孫鼎臣，河南凌鉞，江蘇白玉崑等集於濰州，豐潤丁開璋率關東刀客亦至。遂約煙合都督商震與南方接洽，由秦皇島運輸軍械登陸，與海陽馮玉祥先解決山海關蕭廣傳范國璋部；以免後顧之憂，再取京津。定十一月中旬起義。上



馮 玉 祥

海伍代表廷芳忽電令暫緩進行，靜候國民會議解決。且南方民軍作戰計劃，以鄂湘爲第一軍，寧皖爲第二軍會師鄭汴。徐州爲第三軍，煙合爲第四軍會師濟南。

第一二三四各軍達到目的地後，再與關東濰海之第五軍，秦晉之第六軍會師京都傾覆滿清。詎白玉崑等急於成功，突以反正布告張出；施從雲，王金銘，馮玉祥，鄭金聲等遂倉卒獨立，通電各省及上海南北代表廷芳唐紹儀等略謂：「……

……全國人民望共和政體甚於枯苗之望雨。誠以非共和難免生民之塗炭，非共和難免外人之干涉，非共和難免日後之革命。……』公推王金銘爲大都督，施從雲爲總司令，馮玉祥爲參謀長。十四日通示鎮王懷慶與施王有舊交，聞變往撫。眾利用其兵力留之，迫充大都督，王僞諾。於民國元年一月四日照會北京各公使謂：『定於一千九百十二年一月三日舉義攻燕京，爲達到中華民國完全共和之目的……本軍政府暫設灤州。……』。旋王懷慶詭言籌餉，乘馬西逃，追弗及。眾卽日起兵攻天津。五清晨一時與王懷慶姜桂題部戰於雷莊。同鎮管帶張廷功由後方勦襲大敗，死傷甚眾。丁開璋率部遁去。王懷慶派代表請施王至開平和議。眾阻之使莫往，王金銘曰：『革命軍人抱定爲國犧牲宗旨，死何懼哉？』施王同往，至卽被捕殺；參謀陳洪慶孫鼎臣及白玉崑等亦遇難。白臨刑猶呼軍士曰：『同胞！共和殊大好，不然吾等豈失心者哉？我輩男子當爲此死。』馮玉祥待友軍未至，而王

懷慶曹錕等率眾萬餘人——二十營——進攻秦皇島湯河海陽一帶，四面包圍；馮遂被捕入獄，旋即解回籍。十八日汪兆銘令敢死隊員薩福鏘及唐某拾運手槍三十枝至秦皇島，爲王懷慶軍偵知，勦送開平，竟遭槍決。

辛亥十月間有黨人與通州張家灣人王如川暗招壯士二千人，定日進京發難，爲姜桂題軍所悉。於十一月二十八日晨姜派隊前往勦捕黨人王如川等六人，均認革命不諱，一律斬首。

熱河哈爾沁蒙王貢桑諾爾布，曾留學日本人同盟會。歸國辦崇文學校。聞武昌起義，貢氏於九月召集各縣革命黨人張子釗劉書雲鄧雲閣等擬反清自爲都督。眾以彼夙輕漢族，不肯附和；未有結果，眾皆赴內地工作。

第三節 山西革命

山西五合閻錫山自日本歸國，爲山西新軍協統。聯合河津

姚維藩，洪洞溫壽泉及張瑞礮荆嶽岳李子和南桂馨楊
 鏡甫等作革命運動。光緒三十三年徐西園等於代州，揭民軍
 旗幟，宣言獨立。擬經張家口直搗北京之背。因勢力薄弱失
 敗，徐爲清軍戕害。及辛亥陝西獨立，威主從速響應。巡撫
 陸鍾琦調新軍兩營援陝。九月七日——國曆十月二十九日——
 夜發給軍械子彈，約明日出防蒲州。新軍急召集會議，定翌
 日舉事組織軍政府。共推閻錫山爲大都督，溫壽泉副之。姚
 維藩爲總司令，黃少齋充參謀部長，景定成充政事部長，陳
 漢閣充軍需部長，溫壽泉兼軍事部長，趙戴文續西峰楊芳圃
 等督辦軍務陷陣衝鋒，杜子誠仇韜存常子發孔雲生等參贊軍
 機運籌帷幄，劉篤敬孟步雲等籌措軍需轉輸糧餉。八日晨焚
 撫署殺鍾琦及協統譚振德，宣布獨立。旗兵反抗，死傷甚眾
 。九日佔領車站，閻姚督師，進兵娘子關；清廷大震。閻姚
 主張：「暫取守勢，添練新軍。一面電請武漢會師北上，直
 搗黃龍。西聯關中互相救應，亦爲要圖。」閻回太原遣王家

駿許顯等招募新兵，擴充革命實力。另設禮賢院徵集人材，故晉省政務清明為各省之冠。十四日清廷下詔悔過，命吳祿貞署理山西巡撫。吳與晉軍聯合斷清軍後路。並密約令旗兵攻晉，晉軍吳軍一舉殲之。陝西民軍閻筱泉李仲山等亦由潼



閻 錫 山

關渡河攻運城，即日克之，清軍潰散。晉軍旅景定成仇亮赴石家莊與吳協議北伐。旋清殺祿貞令張錫鑾為巡撫，第三鎮來石家莊，北伐軍事大挫。吳佩孚僞與民黨孫岳，孔庚，王家駒等投入晉省民軍。相聚討論作戰策略，並視察各要塞。閻令續西峰由繁峙代州入大同。王家駒率兵克復寧武懷仁。更由府谷渡河平定河套及陶思浩薩拉齊，所至莫不請降反正；不料孤軍深入於刀石村飲彈而亡。十月

十日晉軍令孔庚爲勦方興討史同王建基援應續西峰，與毅軍統領米占元激戰於雁門，大獲勝利；佔領寧武關，解大同之圍，而王建基於懷仁秀女村戰死。姜桂題遣軍赴大同助米反攻。及聞南北有和議之說，恐爲袁世凱所欺，闇命仇亮赴鄂謁黎元洪，表示決心北伐請勿稍懈。略謂：「麾下誠能張皇六師，長驅北上，則敗清師，易于摧枯拉朽也。且改制共和，我大漢民族自主之耳，何要求協議之有？休戰議和之說實懈軍心。……爲今日計誠宜命水師由海道直攻津沽，與齊魯之眾聯合扼其項噬，大師由陸路北上，錫山不敏，亦且躬率晉軍偕同秦豫之師，西出燕郊，據其腹心。務使虜眾首尾不相顧，則成功真旦夕事也！……」二十一日張錫鑾違背南北停戰之約，率清軍攻娘子關。第三鎮砲兵管帶劉耀西存心革命，率兵自石家莊向娘子關進發，投入晉軍。車至五里鋪兵士不肯西進，劉一人入晉。閻令至雪花山指揮砲隊。吳佩孚族之逃歸石家莊，奉張氏命率第三鎮至井陘，乘夜襲民

軍，民軍大敗，死傷甚眾。姚維藩等退守乏驢嶺。翌日清軍由井陘進至秦莊，攻乏驢嶺，民軍復敗；娘子關為吳部佔領。清軍西進至雪花山，劉耀西督率伏兵四起，激戰半日之久。



溫 壽 泉

民軍勢力薄弱，死五百餘人復敗；吳氏與民黨之仇不可解矣。二十六清軍攻大同及太原。民軍不忍塗炭生靈，決暫退守各要隘。閻錫山率部北走，溫壽泉景定成楊錢甫李岐山等則南下。十一月初藩司王慶平提

法使李盛鐸及許世英等清吏歡迎張錫鑾入太原。民國元年一月三日張進太原。南下之民軍攻平陽，有劉漢卿者率隊猛攻，陷入重圍，死於城下。眾急推楊錢甫為行軍都督，使統全

軍，繞道趨襄陵，河津。公推溫壽泉，景定成，王一山入秦請援。至邵陽聞秦軍井勿幕井岳秀李仲山嚴筱泉等率部由朝邑渡河。溫入西安請援，景則赴朝邑渡河加入秦軍，特民國



元年元旦日也。旋楊錢

甫辭職李岐山接統全軍

景，自號五路招討使。由

河津攻絳州，槍斃清巡

防統領陳正詩——昔秋

瑾被捕殺，多由陳氏告

成 密——為女烈士復仇，

並派隊北攻平陽。李岐

山，周耀武，張翻之，

營長韓體亭陣亡，卒未下

支，退守蒙城。至十二日清帝退位，宣布共和，雙方保境，

李閣臣等，臨陣指揮，戰事猛烈。

二月初清軍調第三鎮盧永祥部自太原來平陽助戰，民軍不

各不侵犯。張錫鑾奉調赴奉天，盧永祥部退出晉境。

第四節 關中革命

光緒三十年陝西蒲城富家子井勿幕因家道敗落；入四川投其同鄉張釋，入張氏塾讀書。胸懷大志，結識川中熊克武但懋辛等，常以恢復祖國自命。翌年赴日本，適值孫中山先生組織同盟會，與于右任等同時加入。三十二年回陝運動革命，因風氣蔽塞，成效甚微，復歸日本。三十四年二次回陝始聯絡資議局副局長郭希人學生寇遠李仲山，胡景翼，及新軍排長錢鼎張鈞，司務長張光奎及曹樹勳焦子靜等百餘人。一面在省聯絡新軍，一面在省外聯絡刀客，密謀起事。井又加入西安哥老會，聯絡其首領張雲山馬玉貴陳德貴諸人，籌備佔領關中，出師河南。新軍爲皖人王毓江所編練，多熊成基之餘黨；咸傾向共和，而張鳳翽則未與聞也。涇陽鄒炎亦留學日本，光緒末年回西安創女子學校，爲聯絡各界革命之機。

關。渭北之民性強悍，喜甲兵，每殺貪污濟貧困；號稱「刀客」，亦游俠之流也。井勿幕宋元凱胡景翼等與其首領王守身田玉潔輩遊，得其眾四千餘人，爲陝西革命惟一之武力；故革命機關多設渭北。及宣統二年寇退尚鎮圭李秀曹世英等於同州辦豐登中學，爲運動革命之機關。其他如胡定伯高幹臣宋向宸於耀州，胡景翼等於富平，井岳秀等於蒲城，均密作反清宣傳，預備起事。聞武昌事起，擬起事於耀州，南攻西安，哥老會及新軍爲內應。時護理巡撫錢能訓探知密謀，大事戒備。相傳將搜緝黨人，人心恐慌。八月三十日錢鼎張光奎等以事機急迫不容稍緩；臨時聯合管帶張鳳翽，遂於九月一日起事。旗兵抗義，多被慘殺。井勿幕適在蒲城，故新軍推張鳳翽爲臨時都督，錢鼎副之，一舉而佔領西安，錢能訓升允潛逃。四日井勿幕來西安。有欲推井爲大都督者，井固辭，張委井爲北路招討使，駐兵三原。令錢鼎率民軍及學生軍赴潼關，禦清軍趙倜。錢督師東出，至渭南部下譁變，

死於亂槍之下，張劬代之。十四日趙個軍佔潼關，旋爲張克復。升允逃至平涼，自稱陝甘總督，率甘軍馬安良等部分道攻陝邊乾州。武功鳳翔諸城；張鳳翽令張雲山守北路乾州，曹樹勳赴鳳翔拒甘軍，血戰三十次，斃敵三百餘人，始保危城。民國元年一月二十日升允再由邠州反攻鳳翔，終不得逞。

學者張伯銑督辦寧夏河渠工事，九月間聞西安反正，卽約劉照藎等於十月二十九日響應，率掣甘軍。升允令張紹先攻寧夏，馬麒復奉命由賀蘭山繞道襲擊民軍。民軍勢孤，不能抵禦，民國元年一月八日寧夏失守。二十四日張伯銑等戰死。而攻陝甘軍不敢孤意東犯。

潼關方面自十月十三日清軍姜桂題部入豫西攻潼關，令趙個部渡河攻渭北。民軍敗退。二十八日民軍反攻，清軍敗退。民軍一路出潼關攻靈寶陝州，一路由朝邑渡河東取蒲州運城。於是姜桂題曹錕馮國璋代表清軍，反對共和，勸各親貴接濟軍餉與南北民軍死戰。民國元年一月四日再遣毅軍統領

郭殿邦由北京南下援豫。王占元帶第二鎮亦赴洛陽助戰。景定成等由秦回晉於蒲州會秦將李仲山，至運城會井勿幕，陳樹藩，訂秦晉聯合辦法。二十日陝州張鳳翽張鈞等退入潼關；電孫大總統：「祈火速救援，保全西北大局。否則後患不堪設想……」等語。運城之秦軍以潼關戰事緊急亦班師回陝。陳樹藩嚴小泉向潼關救援。二月中與敵大戰，後退守華陰，共和成功後，與毅軍和議。井勿幕統軍至醴泉助曹樹勳抵抗甘軍。

甘肅政權操於滿人長庚。及陝西獨立，甘軍受升允之指揮。分路東攻，西寧總鎮馬福祥反對攻陝，遂留省城；暗與巡警道趙維熙共謀乘虛獨立。九月十九日黃鉞向樂等起義秦州，稱秦州都督。十月二十五日全省宣告獨立，推趙維熙爲都督，捕長庚等。長庚升允先後逃匿。馬安夏率師返甘，聯合彭英甲等反抗民軍，旋失敗。

陝西三原于右任著半哭半笑錄，寓革命意，猜吏嫉之。光

緒二十九年赴開封應會試，陝西巡撫升允電令主考官將于除名，另電豫撫拿辦。于逃至漢口轉赴上海與渭南陳君非組織神州，民呼，民吁，民立等報反對專制政府，鼓吹共和。

第五節 中州革命

河南嵩縣王天縱喜交遊，知己偏陝豫。光緒末年惹官吏之嫉欲捕之；乃逃於碭山，東渡遊歷日本，起革命思想，旋回碭山。募名歸附者甚眾。恆抑強扶弱，剿殺貪官污吏；清吏目之爲叛徒。辛亥七月清軍謝寶勝等部與王天縱馬文德陶宣樂等衝突，激戰數次均未得逞。八月黎元洪派人聯王，以爲聲援，王回嵩縣。於是豫中志士羣推王爲大將軍，募眾七千人；謀據黃河橋，斷清軍之聯絡。十月一日王率民軍佔閩鄉，清軍退靈寶，姜桂題帶隊入豫，以破壞陝豫會民軍聯合北伐之計劃。翌日王至田湖，巡防營管帶孫廣田投誠。四日至鳴臯與清軍接觸，管帶高玉中率眾降，遂分兵攻白沙彭坡。

戰四日之久，清軍敗，追至白楊鎮，收撫羅其祥部，得軍火甚多；自是實力雄厚，聲威大振。十一日進駐龍門街攻洛陽。十五日赴孟津佔鐵嶺，得宜陽民軍陳大重之助，大敗清軍。適奉陝西都督雷命，以潼關失守，速往援救；乃轉而西上，克復潼關。十一月四日復東下，越閿鄉靈寶達陝州。民國元年一月七日至張堡，峽石，觀音堂，清軍退守澠池。二十二日民軍乘夜進攻，清軍援兵驟至，勢力雄厚，連戰六晝夜，未分勝負。劉粹軒姬宗義劉建中等六人冒險入清軍，開陳大義，勸官兵反正；俱遭誅戮，無一生還。而清軍將計詐降，王不知察；內外交攻，民軍死傷兩千餘人，實力大損，退守龍駒寨。二月十八日王等南下佔領荆紫關內鄉鎮平各地。及至南陽始聞清帝退位；立即罷兵歸田。

奇昌張鍾瑞昔留學日本，反對滿清甚烈。及武昌起義，與何昇平回開封，運動駐省清軍柴得貴，張錫元等部反正，未成；又派五人入京聯絡姜桂題軍中某豫人帶隊回豫獨立，某

卽將五人縛送姜處槍決，復遭失敗。十月二十四日約集軍官數人及學界多人，定於十一月三日起事。組織司令部，公推張鍾端爲總司令，巡防，陸軍，各推一人爲副司令。不意爲巡防營所欺，柴得貴於是夜九時先伏兵優級師範學校誘張等而擒之。又於法政學校高等學校及各旅館搜索，捕七十餘人。次日巡撫齊耀琳誣以土匪將張鍾端李幹功徐振泉張香尼張寶樹劉鳳樓張照發王子瑞單明晏崔得聚李心敬等十一人槍決。周維屏等七人監禁。醜釀數載之久敗於一旦，良可惜也！

第六節 山東革命

魯省士紳張東琛張承洽黃洽坤等主張共和，倡言獨立。巡撫孫寶琦爲彼等所迫，又恐民軍攻擊；遂於辛亥九月二十三

日僞稱獨立，組織臨時政府，被推爲都督。及袁世凱遣張廣建吳炳湘赴魯，嚴詞詰責。孫又見各省民軍紛紛敗退；遂藉張樹元張培榮鄭士琦張懷斌等武人之請求，於十月六日取消

獨立，仍稱巡撫。二十日巡防營聶憲搜捕民黨王玉珂王金鈺等十餘人，視如仇敵。張東琛等逃至黃縣，與急進會諸人共據黃縣。清軍忽至，張被擒受戮。

商震久抱革命之志，曾與藍天蔚馮玉祥等謀於滿洲，未成



震 商

，潛赴山東。山東萊陽富紳曲詩文，官兵目之為匪，剽其家族，收沒其財產。及武漢事起，曲致函黎元洪請降，效命。黎派敢死隊三百人携炸彈來魯。曲與商震聯合於九月二十二日起於煙台。推商為大都督。不久為清軍所敗，眾逃潰。排長劉懋德等分據膠州文嶺，與煙台民軍約於民國元年一月五日共豎共和之旗，光復登萊青三州。為濟南探悉，派大軍平之。劉慷慨就義。十二日民軍五百人推劉藝舟

爲首領，佔領登州煙台。歡迎南軍會師北伐。十八日藍天蔚率海容海琛等艦來煙台，號稱北伐隊海陸總司令官。孫寶琦力盡智窮，進退失據，卒爲天下笑耳。

第七節 關東革命



湖北黃陂藍天蔚於光

緒二十七年入日本士官

學校。卒業後歸奉天，

爲第三鎮協統。武昌起

義後自稱北伐第二軍總

司令，負攻擊北京之責

。及張紹曾辭職，藍於

九月十九日回奉天，聯合莊河顧人宜等運動獨立。二十二日瀋陽民黨紳士亦謀獨立。總督趙爾巽爲緩和民黨攻擊，允暫時獨立。二十五日取消獨立，另聯合諮議局長吳景濂設保安會，公推趙爲會長；自是奉天復附於清廷。旋吉黑兩省亦立

保安會，各以巡撫爲會長。十月六日奉天革命首領張榕柳大年等起義，遙推藍天爵爲關東大都督。張榕瀋陽人昔居京師，恆與朝官密談革命事，後奔走於京津保之間運動學界。於保定交吳樾，復投身北京譯學館結識潘智遠顧兆熊。日俄戰起，返瀋陽聯絡吳景濂等糾合數十州縣，聚豪強數萬人，倡言滿洲獨立，勢甚盛。日本忌之，迫清廷以武力解散。榕走京師與吳樾共謀炸出洋五大臣。事敗逃往天津易姓名——余木強——卒爲偵探楊以德訪知住址，深夜入室擒之。備經憂慮，革命之志益堅。囚禁四年與獄吏王喜璋携逃，赴日本，旋回大連。辛亥秋於瀋陽成立急進會，綠林刀客巡防陸軍加入者共三萬餘人。有王小堂者主暴動，榕力止之。及獨立趙爾巽聞之計無所出，急召奉天巡防營統領張作霖馮麟閣等部逐之。藍天爵赴上海，中山先生委以海道北伐之責。二十五日莊河顧人宜，鳳凰錢來蘇等起事。旋趙爾巽捕柳大年張涵初二人。民國元年一月二十四日捕張榕，奉袁世凱命槍決。

，識者惜之。二月五日民軍於鴨綠江口登陸戰敗官軍；趙令馮麟閣等入關勤王之舉遂中止。十二日張錫鑾令馮等攻莊河，民軍次第消滅。

第三章 恢復共和

第一節 護國討袁

河南流寇白狼起於民國元年夏，擾亂豫皖鄂三省。至三年春經數省官兵會剿始驅之入荆紫關竄陝西，省軍不能制，政府令陸建章率師進剿，繼張鳳翽爲陝督。四年籌安會起，陝人私語：「逐鹿，逐鹿」。陸聞而惡之，慘殺日甚，怨聲載道。李岐山謀反抗陸氏，以奪三原軍械爲己任。後謀洩，李氏逃，同謀林連而死者共二十餘人。陝南鎮守使陳樹藩羨陸高位，久有取代之心。雲南護國軍起，陸調陳往陝北榆林，並置重兵三原固州防之。五年四月四日黨人董威等羣聚於邵陽，攻城起義，不克；退守韓城，復爲陸部所敗。陸使岳維

峻捕董威，而岳縱之於櫟陽。董召集健者炸營房奪軍械起事，下醴泉圍咸陽。時王一山曹世英楊介焦子諱等先後起事於朝邑宜川洛川白水富平蒲城同官宜君耀縣。陳樹藩部營長胡景翼與陸部戰於富平，破其軍擒陸某，進佔三原。五月九日黨人迫陳於三原宣布獨立，號稱護國軍總司令。收撫土匪郭堅等分三路攻西安，聲勢浩大，再敗陸部於同州，陸乞和，願退出陝西。十五日議和成，陳入西安自稱都督兼民政長，護送陸氏出境。又委陸承武為陝西護國軍總司令，曹世英李岐山為師長；一般民黨均不滿意陳矣。

馮玉祥自辛亥海陽失敗後，復奔走京津，運動各界反對優待清室條件，冀以取消。然當局均不以為意，未能採納。民國元年春京師招募左路備補軍，馮應募赴景縣招兵，復任營長。二年改編京衛軍升團長。三年五月陸建章調之入陝，追擊白狼至寶雞，卒敗之於子午谷，編所部為第十六混成旅。後以反對陸之言行，被遣往陝南。四年五月七日袁世凱與日

本定二十一條款，辱國喪權；馮引爲奇恥，令各官兵歎：「五月七日國恥紀念」等字於衣帶；以誌不忘。銜恨袁之心，日益深切。後川北土匪陳兆祥等爲患，人民苦之；馮卽率部去陝入川，聯合哥老會首領何鼎臣肅清悍匪陳兆祥等。及聞袁氏稱帝，異常憤恨，誓死反對。十二月滇軍討袁至瀘，叙；袁令曹錕張敬堯爲總副司令率第三師第七師南下援川，馮以一旅之眾處於曹張及陳宦數萬大軍包圍之下，未敢輕發。五年一月移防順慶。馮聞叙州滇軍第一梯團長劉雲峯，與參謀長蔣鶴遇有同學之誼；令蔣及鹿鍾麟張之江赴叙州與劉接洽討袁。惟劉方戰勝張敬堯部，氣焰甚高，不肯合作，反欲將全旅繳械，無商權餘地。馮遂率部退往自流井。三月一日滇軍潰退，馮至叙州，復派蔣鹿等赴滇軍議合作護防諸事。滇軍派參謀伍百銳等來叙州協議。張之江赴秦鎔行轅請示討袁之計劃，張持秦函歸，卽將叙州交劉雲峯雷颯部接防。馮部改編入護國軍第五師。五月初撤隊北上佔成都。陳宦不得

已宣布獨立，川戰平定。

膠州爲山東民黨之根據，借租界爲保障。五年三月間兗州、曹州、沂州等地紛紛起事，反對帝制。四月十九日省垣軍署突接東北軍總司令居正由青島來電謂：『民軍先取濟南，後搗冀北，軍中携有毒氣礮，一經爆發人畜俱斃，囑將軍退職投誠，限三日答覆』。魯督靳雲鵬置未答。二十二日有黨人四十餘名由膠州來省，皆爲軍警捕獲。五月四日民黨吳作周等百餘人至周村鎮設司令部，十日進佔長山。吳爲都督，薄子明爲總司令宣布獨立。居正則由青島至濰縣，駐軍第五師長張樹元出城禦戰，旋即敗退守縣城，民軍據車站，成相持之局。後由士紳調停讓防。十五日議和簽約，二十三日民軍入城。省垣自五月初屢次發現炸彈火警，漸恐甚。雖請袁退位，而不肯宣布獨立。民黨謂其反對民軍，須以武力解決。十五日居正分兵數百以兩路攻濟南，激戰五小時敗退。二十五日潛入城，猛攻督署亦未獲勝，轉攻桓台，日照，鄒平，高

密，卽墨，昌邑，萊陽，博山，膠縣，平度各地先後佔領。斬逃入京師，袁振張懷芝殺芝貴來濟南，實行武力政策，衝突大起。六月四日民軍再攻省垣，復敗北。旋袁死黎代，吳作周居正等入京，籌議善後辦法。八月吳回魯與督軍省長之代表及省會議長，會商軍事收束辦法。議決各地民軍點驗收編爲正式陸軍。

一月頒布洪憲之際，袁宮內侍句克明恨袁殊甚。携炸彈謀炸之，未遂，被獲。又帝制黨袁乃寬之子袁英亦暗與黨人聯合圖刺袁，事洩被捕，外間少有聞之者。

第二節 復辟之役

安徽督軍張勳夙反對共和政體，甘願作清室家奴，自謂：『食毛踐土素受皇恩，微息尙存理應應圖報』。五年九月組織省區聯合會於徐州，妄干政治；曾提倡修改舊約法，解散國會，改組內閣，皆未成事實。六年五月七日眾議院反對殺祺

瑞參加歐戰之主張；段嗾公民團擾亂國會。十九日吉林督軍孟恩遠等聯銜請政府解散國會。而黎元洪依國會之請求免段氏總理職。於是安徽省長倪嗣冲首先獨立，運兵北上。各省繼起。李經羲請張來京作調人。六月八日張勳來天津，要求



瑞 祺 段

解散國會，否則回徐州。十二日黎元洪下令解散國會。張於十四日帶兵十二營來京師。各省相繼取消獨立。三十日張遣梁鼎芬等勸黎退位，七月一日晨張勳等擁宣統復辟。黎即日電令段祺瑞馮國璋及各省軍民長官出師討賊。三日段於馬廠誓師擁護共和。令李長泰出師北上駐北滄。六日段就討逆總司令職，委段芝貴為東路司令李長泰副之；曹錕為西路司令范國璋副之；陳光遠為中路司令張永成副

之。倪嗣冲爲南路司令張敬堯副之。山西閻錫山山東張懷芝
 寧夏馬福祥等相繼響應。馮玉祥自從四川北上駐廊坊後，被
 忌撤差，退居西山。及聞張勳叛國，急密令第十六混成旅預
 備軍事，七日夜張勳派夏某帶定武軍及近畿第一混成旅由京
 奉路南下，張之江即率騎兵將廊坊北八里許之橋樑拆毀數段
 ，以阻逆軍之南下；並令步兵備戰。八日馮携李長泰至，分
 任鐵路東西之軍事。翌日晨向萬莊進攻，激戰數小時敵退，
 進至黃村。十日猛攻豐台，完全佔領。是時曹錕以旅長吳佩
 孚由涿縣攻長辛店。十二日各路會攻京師：馮部曹部進右安
 門，攻先農壇及南池子一帶，陳光遠李長泰兩部由永定門進
 城攻天壇一帶。南苑航空學校亦組織空軍助戰。張勳逃入荷
 蘭使館。十三日攻紫禁城，宣統逃入英使館。逆軍潰敗，悉
 數投誠。徐州殘餘逆軍張文生白寶山等爲倪嗣冲張敬堯等收
 編。旬日之間恢復共和。事定馮玉祥回豐台請段祺瑞嚴懲禍
 首張勳康有爲萬繩武，驅逐廢帝溥儀，段均諾之，而未實行

第四章 打倒軍閥

第一節 剷除安福系

第一 武穴主和

袁世凱死後，馮國璋被舉爲副總統，段祺瑞則任國務總理；直皖門戶顯分，府院爭權，結仇益深。六年冬，徐樹錚收買議員，把持國會。預備大選，組織安福俱樂部。結黨營私，攬權竊柄，爲國人所痛恨。西南護法軍起，段主用武力解決；令曹錕、吳佩孚、張懷芝、張敬堯、馮玉祥等援湘閩，各路紛紛前進。惟馮玉祥素惡段，專權毀法，暗與民黨同情，主張維護法統。及受援閩之命，不得不虛與委蛇，十二月駐軍浦鎮，中止前進。密約紅蘇駐軍共阻張懷芝等部由山東南下。至七年一月，張懷芝部進至光明，馮玉祥即橫阻不使通過。蘇督李純則於滬寧路運兵戒備，以拒楊善德、盧永祥之援張。一時風波大起。

咸謂馮李獨立。馮國璋遣代表勸李維持大局，李態度曖化；馮遂勢孤，乃潛師沿江西上。二月十四日於武穴通電主和反對段徐南征之舉，略謂：「段祺瑞對德宣而不戰，對國人戰而不宣。玉祥但願率師與外敵死戰，而不欲參加國內無名之師，以殘同胞。……如以國家為可憐也，則請速罷兵以全和局；如以國家為不可憐也，則請殺玉祥以謝天下。」段接電大怒。二十五日免馮旅長職，令朱兆熊之第一旅，王懋賞之第四旅，王汝勤之第十五旅，張聯陞之第二十二旅及張懷芝部四面包圍；相持數旬，馮以眾寡懸殊，動必敗；於三月下旬藉曹錕委援湘之命，急開拔經武漢至石首安公。六月二十二日抵常德桃源，令張之江鹿鍾麟蔣鴻逵劉驥等專事整頓軍紀教練官兵，充實革命之武力。

第二 五四運動

民國三年歐戰起，日以與英國同盟關係，對德宣戰，攻取

青島，佔膠濟路。四年五月七日迫定二十一條款，其中關於山東者：(1)中國承認德國以條約在山東省所得之一切權利讓與日本。(2)山東省或一部不得割讓或租借與他國。嗣護法軍起，段祺瑞欲急征服南方，需款甚急；不惜飲鴆止渴。日本方憂山東一切權利，僅有二十一條款不足保障。遂於七年九月二十四日向段祺瑞提議，允將日本在山東軍隊，除留一部駐濟南外其餘全部撤至青島。又所設之警察及民政署一律撤退，惟段須承認膠濟路中日合辦，又須承認濟順，高徐二路借日款建築。先墊借日金二千萬元以助段氏。段須與日本以欣然同意之照會。段令駐日公使章宗祥即日以日本提議關於山東諸問題之處理方法欣然同意具覆。章宗祥即與日本興業銀行訂約，濟順高徐二路借款日金二千萬元，年息八釐，以二路財產及收入作擔保品。前後由章宗祥與交通總長曹汝霖，中華匯業銀行總裁陸宗輿互相勾結密訂賣國之約，借日款數萬萬元。凡我國民莫不反對。北京大學高等師範法政

專門學校及各實業專門學校之學生結隊至總統府請徐世昌否認此等中日協訂，徐僅口頭聲明不賣國而已。八年一月巴黎開和平會議，中國代表王正廷顧維鈞等力爭山東問題。陳述日本竊奪中國各種利權及德人在山東之各種利權均應歸還中國之理由。段祺瑞則電代表陸徵祥切勿強爭山東問題及其他中日交涉。四月二十二日美國代表提議由德國聲明放棄青島及山東一切權利，直接交還中國。日本則謂中國已有密約，山東諸問題由中日解決，欣然同意；反對德國直接交還。苟不容其主張，則退出和會。並要求中國政府誥諭代表，不得再爭山東問題。政府任陸徵祥為委員長以奪王正廷顧維鈞之提案權。王正廷電上海報界謂：『日本利用國賊之徒，循私賣國，望全國輿論群起攻之。然後我輩在此乃有討論取消二十一條及山東路約之餘地。』自是群憤激，全國大譁。紛請罷斥有關密約之罪魁章宗祥曹汝霖陸宗輿以謝天下。巴黎之中國代表不得已另提新議案，以青島暫交五強國管理，和

約簽字後一年再交還中國，亦無善果。山東濟南開國民大會集眾十餘萬人，咸謂：「交涉失敗，陷山東於萬世不復之慘……東人死喪無日，急何能擇，誓死力爭義不反顧……」。其悲壯之精神溢於言表。三十日和會決議山東問題，由德國將關於山東戊戌條約上所有權利及在山東之鐵路鑛產海底電線均讓與日本，僅召中國代表領受。中國留法學生甚為驚惶，奔走呼號痛不欲生。致電國人起而奮鬪。國人聞息一致反對巴黎和約不簽字。京津濟南各界民眾往來聯絡，籌議外爭山東內除國賊之方法。北京市民異常激昂。五月初北京大學高等師範各專門學校及各政治團體紛紛開緊急會議，力謀補救外交之失敗。京師商會並通電各省商會共爭山東問題。國民外交協會推舉代表請徐世昌令和會代表切勿簽和約以圖挽救。北大學生以風聲日緊，遂於三日夜召集全校學生會議，議決：(1)聯合各界力爭中日問題，(2)通電代表不簽和約，(3)通電各省於五七國恥紀念日舉行示威運動，略謂：「

青島歸還勢將失敗。五月七日在即，凡我國民當有覺悟。望於此日一致舉行國恥紀念大會，協力對外以保危局」。(4)定明日舉行京師學界示威運動。相繼演說者皆激昂慷慨聲淚俱下，法系學生謝紹敏切指斷襟血書：「還我青島」四字示眾，悽涼悲壯之景象，見者感奮，聞者鼻酸。四日下午北大，中大，朝大，民大，匯大，高師，工專，法專，醫專，農專，警官，鐵路，稅務等校學生五千餘人各持白旗，大書：取消二十一條，還我青島，誓死力爭，保我主權，勿作五分鐘之愛國心，爭回青島方罷休，寧為玉碎不為瓦全，頭可斷青島不可失，中國宣告死刑了，曹汝霖章宗祥陸宗輿賣國求榮……等標語。齊集天安門，時有教育總長傅增湘派員勸阻請先歸校，學生團嚴辭斥之。步軍統領李長泰警察總監吳炳湘亦勸慰阻止，均為拒絕。遂整隊向東交民巷各使館出發，並發布宣言傳單，敘述外交失敗之原尾，國家之危殆，並此次示威運動。一面要求各國主持公道，一面喚起全國各界民眾

開國民大會外爭主權內殺國賊等語。及至東交民巷界內巡捕謂須得中國總統之同意始准入內遊行。延遲二小時不得要領；當推代表羅家倫等四人赴美國使館交涉始准通行。經莫美法意等國使館，均舉代表發言聲述國民對外交之真意。並要求各公使維持公理。至日使館，彼以無中國政府執照不許通行；群眾義憤填胸，痛罵賣國諸賊。乃直赴東城趙家樓曹汝霖宅，聲勢洶洶有排山倒海之慨。及至見門前軍警荷槍守衛，門窗俱閉，眾打破小窗躍入啓門，群眾擁進。曹汝霖丁士源越牆同逃，眾擒章宗祥拳足交加，會宅中火起始罷。李長泰吳炳湘率軍警至開槍追逐，捕去學生三十二人。翌日各專門以上學校相約罷課，在北大開各校聯合會公推段錫朋主席，議決：（1）各校代表呈請各校長請總統釋放被捕同學；（2）各校聯合上書總統請懲辦曹汝霖等賣國賊；（3）各校罷課至被捕同學回校爲止；（4）各校公推代表向教育總長陳述遊行之情形及今日罷課之理由；（5）通電全國教育會商會請

一致進行；(6)電請上海和會主持公論；(7)電請巴黎代表對山東問題竭力抗爭，萬勿簽約；(8)由羅家倫等與北京商界報界接洽各召集緊急會議，籌商對待方法；(9)清華與各校一致行動；(10)朝陽大學代表提議抵制日貨案。教育部責令各校長查明爲首滋事學生一律開除。各校長謂此次運動乃多數市民運動，不可令少數被拘學生負責。若謂學校運動，則當由各校負責懲罰。推蔡元培陳寶泉等赴教部及府院請釋放被捕學生，王寵惠汪大燮林長民及山東議員亦請早日釋放學生。已未俱樂部之議員向政府提出質問書及彈劾案，謂其玩視民意袒護賣國賊，行同叛國。七日將被捕學生送歸各校。曹章等懷恨北大，尤怨校長蔡元培。蔡爲所迫辭職離京，傅增湘及各校長亦相繼辭職。政府一面挽留蔡傅，一面慰留曹章陸等。安福系諸人謂乘機可奪得教育大權，遂擬推出應璩黃雲鵬吳文瀚胡鈞担任京師教育事業，各校表示反對，未能實現。特各中學校亦組織北京中等以上學校學生聯合會，

謂政府護庇國賊摧殘教育；至二十日一律罷課。上呈總統要求：(1)懲辦國賊，(2)挽留蔡傅諸公回任，(3)撤廢警備學生之明令以重人權，(4)向日本政府抗議釋放此次在日運動被拘學生，重懲日警以重國權，(5)恢復南北和議，速謀一致對外。各校罷課後組織：講演團分赴各街巷各遊戲場講演；國貨維持會以推銷國貨爲務；五四，五七日刊社，後爲政府干涉封禁。清華組織護魯義勇隊，由軍操團團長教學戰術，並聘陸軍軍官授軍事學，使受軍事訓練。

五四事起天津上海函電交馳與北京學生表同情。保定學界擬舉行救國大會爲曹錕所阻未果。十一日男女學生成立聯合會，上海成立學生聯合會遙爲聲援。山西湖北安徽浙江江西各省學界繼起，一致主張爭外交懲國賊。十七日山東之濟南煙台登州各校學生遊行講演，於城鄉各處設講演團，喚醒民眾，並聯絡各界力爭青島抵制日貨。二十三日天津濟南公私立各校一律罷課。二十六日上海男女二十五校罷課齊集西門

體育場舉行罷課宣誓典禮。期合全國國民之能力挽救危亡，死生以之義不反顧，市民至者約三十萬人。是日南京夫子廟有學生講演，爲警察所阻，羣情大憤各校一律罷課。河南督軍趙倜防範學生甚嚴。開封師範主任女士閻女士分函各校，並斷指血書衆爲所激，中等以上各校於三十一日一律罷課。杭州武漢亦起響應。安徽安慶學界爲倪嗣冲呂調元以武力壓迫，三十日因遊行與警察衝突，各校均被解散。

此次運動純爲愛國思想所激發，乃夏心上之主張；故各界爭先響應。山東各界結合六十二團體聯合大會，爲北京學生後援。上海各界多罷業一日開國民大會，其商界特開緊急會議，議決：(1) 提倡國貨，(2) 不裝日本輪船，(3) 不用日本鈔票。報界自十四日起聲明不登錄日商廣告及船期匯市商情。直隸南口工人相約誓不爲日人工作，不用日貨。商界如和合公司等舊存日貨當眾焚燒。天津商界駐日大坂買辦將所訂購之日貨全數退還，卽行回國。長辛店鐵路工人

自行組織十人團備金救國。

時國務總理錢能訓遵徐世昌設祺瑞之訓諭，一味壓制愛國運動，與日本表示親善；以便借款購械殺戮同胞。因李長泰防範北京學生不力，以慘酷屠夫王懷慶代之。首先封閉五七日刊社，北京益世報，籍制言論。各街巷派馬步隊往來梭巡；學生被捕者甚眾。學生乃假販賣國貨為各行個人宣傳，每於人叢中談學生罷課之義意。二十八日各校學生會議自二十九日起自將行李書籍收束完畢，靜候政府下令解散。陸宗輿曾毓雋諸人急電召徐樹錚來京，說設從嚴懲辦學生。六月一日政府謂：『曹汝霖迭任交通外交財政各要職，陸宗輿章宗祥先後任駐日公使，各能盡維持補救之力。前者京師學生遊行釀事有違律章，著由教育部及各省長教育廳督飭各校職員約束學生即日上課。』王懷慶與警備司令段芝貴肆極壓迫，視學生為匪徒，濫行捕獲。各校密議決犧牲一切以爭人格。於三日上午二十餘校每校百餘人同時分隊出校講演；均被軍

警驅逐，被捕者一百七十八人，禁錮於北大法科，校內外均爲軍警佔領。四日各校另派加倍人數四出講演，被捕者約八百人，直送北大理科囚禁。未被捕之學生方敦元陳暉宇聶肇靈等至北大大力請人禁，與軍警衝突皆受重傷。京師各女校學生突然結合六百餘人整隊赴總統府請願。五日學生聯合會向各省發布宣言，敘述此次運動之經過請爲援助；復派出學生數千人攜帶飯囊，預備囚禁，四出講演，沿途疾呼，齊至拘留所力請一同收禁。被拘之學生多登樓搖旗，大呼奮鬪，內外氣勢洶洶異常悲壯。政府諸人心旣恐慌，又聞上海全體罷市；決定釋放被拘之學生。看守學生之軍警四散，反爲學生扣留七人。是日清華學生來京講演，軍警閉門拒之，眾乘火車至前門車站復爲軍警包圍，迫令回校。

學生解禁後皆不欲離拘留所，政府派傅嶽芬出作調人，又派員向學生道謙；至八日始各歸校。各校又議決自十日起中等以上學生自帶行李同赴總統府請誅國賊，誓不空歸。天津

各界聯合會代表馬駿於會議時出語激昂，人心均為感動，各界遂罷市，並請政府懲辦國賊。政府見各地紛紛罷市罷課罷工；不得已於十日免曹章陸三人職；京師學生始未出發。而各省學生代表段錫朋曹公瑾馮復光張揚先等先後至上海組織全國學生聯合會，請巴黎專使拒簽和約，二十八日各專使缺席拒簽和約，聲明保留中國對德約最後決定權。後日本百方引誘政府，進行簽約，人民惶懼；八月全國學生聯合會代表馮復光等三十餘人北上請政府懲辦禍國之段祺瑞徐樹錚，並取消二十一條之國恥條約。九月一日赴總統府請願，總統派曾某接見，無具體之表示，眾不去；遂被拘壓於警察廳。十月一日直魯豫晉蘇鄂等省代表紛紛來京請願：不補簽和約免失利權；取消安福俱樂部，懲辦魯督張樹元及戒嚴司令馬良，以其無故戒嚴阻撓民眾愛國運動也。至十日被拘之代表馮復光等始得恢復自由。

此次運動為中華全民族之民族運動：對外打倒日本帝國主

義，破除昔日畏懼外人之思想；對內喚醒民眾，掃除安福系之賣國賊。自是國人咸知文化落伍，對外難操勝算；各學校及各團體多附設平民學校，提倡新文化。反對帝國主義及軍閥國賊之決心，日益深切；五四運動之價值不可侮也。

第二 驅逐陳樹藩

當袁氏預備帝制之際，陳樹藩隨眾勸進受封男爵。及陸建章爲民軍所敗，始乘機獨立，進省與陸議和繼爲陝督，大爲陝人所怨恨，六年四月焦子靜回陝，聯合蒲城高峻獨立；陳甚恨之。復辟事起，陳驅逐省長李根源自兼省長，以耿直爲警備軍統領，郭堅走鳳翔。而耿與郭有舊；遂同謀倒陳。八月陳奪高峻兵權，高赴白水。眾約定高峻首先發難，耀縣曹世英渭南劉錫麟及郭堅等響應，耿直佔省城以爲內應。十二月三日高以陝西護法軍總司令名義宣布獨立。陳令李天佐王飛虎胡景翼等部開赴白水，激戰三晝夜高敗逃入澄城。王飛虎部

大肆淫掠，白水騷擾不堪。十日劉錫麟獨立號稱陝西靖國軍東路總司令，函催耿直響應。耿謀刺陳未果，亦起兵，建陝西靖國軍總司令之旗幟。佔領省垣東南兩面，與陳部大戰。翌日劉部至，戰益烈，至十二日耿部退守岐山。民黨鄧寶珊等入三原，依爲根據地。陳令劉世瓏胡景翼圍攻岐山，戰入晝夜不能下。胡密與耿直約，耿讓出岐山東歸高峻；胡入城響應靖國軍。旋率張義安董振五馮毓東等駐蒲城官平三原。七年一月耿劉高郭諸人合力反攻白水，三晝夜始克之。陳樹藩令曾繼賢等攻三原，張義安董振五鄧寶珊等出迎戰。二十六日戰於市巷，曾等敗退。張董等乘勝西出醴泉，過興平渡渭水東攻省城。耿直攻蒲城李天佐，陣亡。陳令劉世瓏曾繼賢反攻三原，與胡景翼曹世英大戰復遭失敗；退涇陽，與部眾樊鍾秀等固守。董振五與曹世英部將王祥生攻涇陽，約樊爲內應。二月七日靖國軍猛攻，偪至壕邊，不意樊負約助劉會反攻，王祥生陣亡；敗退三原。而張義安等連戰連捷，近逼

安，佔領西關外大營盤。十一日曹世英則由高陵渡河自東路攻西安。陳令張鶴寰等出兵拒之，激戰於十里鋪光台廟，軍威不振屢敗退；急調涇陽駐軍增援，恢復損失，靖國軍敗退新築鎮。曹世英得郭堅之助再反攻，長驅直入省垣北外城；陳密調西路防軍應戰，曹等復退新築鎮。陳得以全力攻西路張義安。激戰於城南小雁塔寺，相持不能決。時樊鍾秀因部下連長王泰來降靖國軍不能節制；遂逐會繼賢改稱靖國軍，走藍田入商雜。盧占魁初據甘肅慶陽號稱西北靖國軍。聞西安戰起率部至耀州，轉入東路作戰；擊潰劉世瓏部佔灤橋臨潼新豐斜口。三月十日陳以靖國軍兩路圍攻獨力難支；向段祺瑞請援。段遣張鈞舊部劉鎮華率鎮嵩軍由河南來西安援陳就省長職。劉增援西路，張義安戰死，董振五率部退渭河。乾縣醴泉岐山數十縣均爲陳軍恢復。陳廣開煙禁派富捐，擴充軍實而絕靖國軍之餉源。郭堅移兵羌白鎮攻同州，高峻駐關山鎮爲其後援。陳樹藩一面令劉世瓏等西出咸陽，一面親

率張鴛遠等部出渭南，與故市姜宏模同州王飛虎蒲城李天佐圍攻高郛。高峻及盧占魁部指揮官弓富魁與姜宏模戰於下郛，猛力橫擊盡收姜部槍械。陳又令攻羌白，猛攻三日不能下，死傷甚眾。及弓富魁援羌，陳軍始解圍去，轉攻關山界防。曹世英部楊處一虎城一鼓勵士卒竭力禦戰，相持三日，董振五援軍至；陳軍始引去。劉世瑞由禮泉東下，胡景翼部田玉潔阻之敗劉軍。董振五自關山率岳維峻追擊至油河口復敗陳軍。五月十三日陳軍守上張渡，亦爲董等擊潰。

甘肅督軍張廣建系屬安福，既受陳樹藩之請，復奉段祺瑞之命遣軍入陝。西起隴縣東至郿縣均爲佔領。四川督軍劉存厚爲南方民軍所敗逃入陝西漢中，自謂援陳。部眾橫暴，視民如仇秦民苦之。陳得外援軍咸稍振，親率重兵東圍羌白；令張鶴遠圍困郛堅。焦子靜高峻弓富魁由關山赴援，與陳軍相持，久不能解圍；楊處李雲龍再援郛，則圍已解，眾奔興市，已六月稍矣。

時于右任張鈞自北南兩路間道入陝，咸以靖國軍號令分歧指揮不能統一，以致形勢日蹙；眾推于為總司令張鈞副之，劉廷森為參謀長。郭楚魯胡高廬為大路司令。令楊彪與郭堅



于 右 任

山，說陳部姜宏模曹位康投靖國軍。九月二十三日姜計誘胡入故市，董振五等圍故市。李天佐潰圍送胡至西安。李歸至岳維峻處計議，胡部楊瑞軒感怒殺之，岳以身祖李弗及也。

繞道西攻興平，克之，進圖扶風。不意降將賈福堂倒戈，興平失守。樊鍾秀欲入河南南陽，阻於豫軍數月不能進。後敗於潼關轉而西上，經藍田鄠縣佔盤屋郿縣，弓富魁率眾至扶風岐山。張鈞同胡景翼至關

高峻則於二十六日由澄城攻郃城佔之。

靖國軍王建極請援於滇軍熊克武，熊令葉荃率第八軍經漢中甘邊抵隴縣。鳳翔陳軍李棟材請降，滇軍進至鳳翔。井勿幕歸三原，眾推爲靖國軍總指揮，岳維峻繼胡爲第四路司令。十一月井至鳳翔會師東攻興平。郭堅忌井之才氣過人；遂與李棟材誘殺井，董振五敗回三原。滇軍時已東下至扶風，會盧郭兩部進至茂林。陳令張鶴遠及鎮嵩軍劉鎮華分道西進，過於武功。靖國軍之盧郭兩部於後方內訌；戰事遂停。陳樹藩電請政府援助，乘機肅清靖國軍。政府分令晉奉兩軍入陝。晉軍迫於威命之下只派隊由禹門口渡河駐韓城；與高峻修好，無戰事發生。奉軍許瀾洲以援陝總司令名義率奉軍及第四混成旅張錫元部入陝。張駐渭南，許則繞至興平。許希望陝督之職，不欲開罪於靖國軍；而陝人反對外兵，表示拒絕，連戰兩閱月。于右任令董振五楊處等至武功助戰，連勝奉軍。八年一月二十七日董忽中流矢而死，鄧寶珊代統其部。

屬與楊彪東歸，滇軍亦西退，上海南北和會適已召集，陝戰稍停。

段祺瑞利用和會停戰，派員劃界之機會；欲剷除靖國軍。遂不令劃界委員張瑞璣入陝，而令西安東西兩路同時進攻。西路樊鍾秀守盩厔，於二月二十四日爲張鶴遠佔領。三月十日岐山郭堅部爲奉軍戰敗，岐山失陷，鳳翔告急。東路張錫元攻交口不利，卽停戰。十二日劉世瓏攻施家坡鄧寶珊部，用火藥轟城陷之。陳軍復東西兩路會攻三原。于右任一方備戰，一方電上海和會痛陳北政府違約進兵。樊鍾秀郭堅以靖國軍形勢日衰；密與許瀾洲往返接洽投誠。十六日受許委之第一二支隊司令名義，驅葉荃走羅縣。乾縣郭英甫等於六月初亦棄城歸三原，涇川以西無淨地矣。

安福禍國日益彰著，全國輿論莫不反對。段祺瑞徐樹錚與曹錕吳佩孚之利害衝突；九年三月吳自衡陽撤兵北上。段組織定國軍，追徐世昌免曹吳職；以段芝貴爲前敵總司令，曲

同豐爲前敵總指揮，徐樹錚爲總參謀，段自任總司令討伐曹吳。曹錕聯合張作霖李純等宣布徐樹錚之罪狀。令吳佩孚王承斌曹錕分路攻京師。七月十四日京漢路兩軍接觸，後因第十五師原爲馮國璋之舊部倒戈，段軍後路，曹軍乘之，西路大敗。東路亦爲奉直兩軍所敗。皖軍將領段芝貴等逃往青島。二十九日政府下令懲辦徐樹錚官毓菁段芝貴丁士源朱深王郅之梁鴻志姚震李思浩姚國楨等安福要人。安福部雖即取消，惟其餘黨仍爲禍耳。

自段氏失敗，陳樹藩驟失長城；釋放胡景翼請和於靖國軍，未就。八月間許瀾洲撤兵離陝，以張錫元接防。陳氏爲鞏固地位，廣結外援：西與張廣建訂攻守同盟之約，南向鄂督王占元乞援。延至十年四月曹錕張作霖王占元等會於天津，曹欲掃除安福餘孽擴張自己地盤；主張以直軍師長閻相文代陳爲陝督。王占元方利閻之離鄂入陝，不肯違曹張而袒陳。陳聞信，暗布兵潼關，使部下抗命阻陳離陝。曹錕除聯絡張

錫元外並調駐信陽之馮玉祥等率師攻陳。

當九年七月馮玉祥乘直皖將決裂之際撤隊北上，駐漢口之譚家磯。特孫中山先生困守滬上，遣徐謙鈕永建來漢聯絡馮氏，並加慰勞。十一月馮爲王占元排擠移師信陽。因財政奇窘飲食不足，決議辭職。後接徐謙函謂：「中山先生將委以革命事業，不可稍萌退志，」等語。馮復奮起電請政府願率所部修繕信鐵路藉維軍食。卒因政府與英人有約不允開工。馮急令任右民赴廣州請示辦法。惟粵政府方與桂系陸榮廷等爭戰，基礎未固；無力援助，乃無結果，只忍饑耐苦而已。十年七月藉入陝之命得聯合靖國軍總司令于右任及胡景翼等，驅逐陳樹藩，陝亂大定；靖國軍自動宣布取消，胡景翼部編爲第一師，馮玉祥部編爲第十一師。其他陝境紀律敗壞擾民之軍隊漸漸消滅。旋眾推馮繼閣爲陝督。

第二節 首都革命

十一年直奉決裂，馮玉祥胡景翼亦怨奉軍紀律不嚴；到處擾民；於四月十九日同鄧寶珊張錫元等部離陝入洛陽。及戰起，直軍敗退，靳雲鵬自信陽北上救援。至鄭州南和尚橋爲趙倜部所阻，馮令張之江鄧寶珊王爲蔚等合兵討趙，激戰



於鄭州中牟間，經數晝

胡夜之久，趙軍始敗，克

復開封。事後吳佩孚以

馮玉祥胡景翼等出身民

黨，異常忌惡；調馮至

翼南苑委以陸軍檢閱使之

虛銜，暗謀奪其兵權。

馮奉陸軍總長張紹曾之命得率隊北上。胡景翼部則駐彰德正定一帶。及賄選說起，馮胡即表示反對。十二年一月十一日中山先生密派徐謙鈕永建孔祥熙來南苑，持親筆函件，及建國大綱與馮等討論國民革命於北方發展之計劃。咸以吳佩孚

爲革命之障礙，誓先剷除。十三年九月江浙戰起，馮胡愈大勢已急不容再緩；乃密令李仲三劉守中張璧等往來南苑正定及大名孫岳處共謀起義。十日孫岳來京師與馮會於南苑勸忠祠，籌商俱體計劃。既而直奉二戰起，胡於二十三日派岳維峻來京與馮面商一切。是日馮胡接到開拔命令，馮藉塞北苦寒餉精缺乏之故遲遲前進。胡部至通縣則按兵不動。孫岳率第十五混成旅駐京師。吳疑之，不敢以重兵東下。十月初政府委馮爲第三路總司令出兵古北口，胡爲援軍第二路司令出兵喜峯口。十一日馮至灤平，十九日召集張之江鹿鍾麟李鳴鐘劉郁芬劉冀熊斌石敬亭及胡之代表鄧寶珊會議班師。馮胡遂回京並通電略謂：『國家建軍，原爲禦侮；自相殘殺，中外同羞，吾國自民九以還，無名之師屢起元氣大傷……乃者東南覺起，延及東北，動全國之兵，枯萬民之骨。究因何而戰？爲誰而戰？主其事者，恐亦無從作答。……玉祥等受夏心之驅使，爲休戰之主張。……至一切政治善後問題，應

請全國賢達，會商補救之方，共開更新之局。」等語。二十三日孫岳響應共國總統府。二十五日馮於北苑召集胡景翼孫岳及各軍政要人會議，本：『不擾民，真愛民，誓死救國，』文宗旨組織中華民國國民軍。共推馮爲總司令，胡孫副之。馮胡孫兼任國民軍第一二三，三軍長。更與李石曾易培基商議由三軍事領袖各義，通電主和，並請孫中山先生早日北上主持大計；使北方民衆得深切認識革命主義，掀起北方革命之高潮。賄選總統曹錕則禁入圍城。十一月五日馮復令鹿鍾麟入清宮，將駐景山，神武門之守衛兵一律繳械，復向溥儀紹英等曉以大義及利害，使即離宮；剷除復辟禍根；並資遣宮內太監四百餘人，宮女百餘人，滿清餘毒至是肅清。吳佩孚聞信回天津，令曹錕率潘鴻鈞由楊村北攻。國民第一二兩軍張之江鹿鍾麟李鳴鐘宋哲元岳維峻李紀才李雲龍等分揚村唐山二路迎擊。十一月二日擒潘鴻鈞，直軍大潰。國民第三軍則沿京漢路南下，直抵保定。晉督閻錫山響應國民軍

，出兵娘子關，與京漢路，阻止鄂督蕭耀南援吳軍隊之北上。綏遠都統馬福祥通電響應加入國民軍。時吳佩孚登輪南竄，繞道回洛陽，擬收拾餘燼乘隙北犯。胡景翼率部至彰德，與吳部張福來李濟臣等交綏，連戰皆捷直趨鄭州。陝軍憨玉琨原係入豫援吳，胡說電詰責，始引退。十二月四日憨獨立吳逃入雞公山。十二日胡至開封就軍務督辦職。豫鄂將領陳文劍王為蔚寇英係孫建業等請國民軍停止進攻，和議成；吳於十四年元旦南逃至鄂城，豫軍陳文劍王為蔚田維勤降胡。

段祺瑞自九年失敗後曾聯合中山先生及奉督張作霖浙督盧永祥結三角同盟，以謀推倒直系，恢復政權。首都革命後乘軍事緊張之際，獨握國政。是時既剷除軍閥吳佩孚及賄選政府，中山先生已北來主持大計；設非段祺瑞反對先生之主張，而先生與胡景翼健在，則中國之澄平或不待後日矣。

第二節 豫陝之戰

陝西鎮守使吳新田反對陝督劉鎮華，劉退至洛陽。段祺瑞委孫岳爲豫陝甘剿匪總司令，憨玉琨失望；聯合張給公劉鎮華反對孫胡，聲勢浩大，兩路出兵圍鄭州。一月二十三日南路攻禹城，戰端起。二月八日國民二軍與憨戰於新鄭。馮玉祥出任調停，定陝豫換防辦法，雙方均未承認。胡以岳維峻爲前敵總司令，樊鍾秀爲副司令。二十二日憨率眾七萬餘人開始總攻擊，慶戰於許昌滎陽。旋二軍克復滎陽。三月孫岳劉鎮華擬調停兩軍約於鄆師會議。既而互謂有助戰之嫌，和議中止，戰端復開。在陝之田玉潔部起於渭南，攻憨軍後路。同時南路登封北路虎牢亦開始激戰。十三日岳維峻取洛陽，憨等西退。二十二日國民第二三兩軍克潼關，田玉潔井岳秀斷憨等西退之路，憨自殺。劉鎮華逃入山西，所部鎮嵩軍交柴雲暨張給公統率，豫西事定。四月十日胡因病終，岳維峻代之。五月十七日孫岳遣葉荃何燧等由洛陽赴潼關。二十一日自率部入陝，吳新田孔繁錦表示反對，兩軍於華陰衝突。

。孫令徐永昌田玉潔等攻西安。七月十六日吳等大敗退陝南，陝亂平定。

第四節 國奉之役

十三年奉軍乘國民軍班師之際長驅入關，李景林繼盧永祥爲直隸軍務督辦。藉職權關係促國民軍移防。國民第三軍卽讓出保定大名防地。十四年五月奉軍復向國民軍索北京宣化張家口之防地。國民第一軍亦卽讓出南苑北苑通州退出居庸關，由奉軍吳光新接防。山東曹州第三旅旅長呂秀文於三月反對脅督鄭士琦宣布獨立改稱國民軍，至五月爲奉軍張宗昌畢庶澄誘拘繳械，強迫解散，國奉仇視漸深。十月奉軍楊宇霆姜登選放棄蘇皖退守徐州。旋李景林部移防保大。姜登選部駐滄縣天津間，張學良駐天津，郭松齡駐灤縣。張作相進兵熱河，並以大部軍力壓迫國民一軍，國民軍亦分路防禦。十一月七日張宗昌放棄徐州北退。國民二軍李紀才陳文劍田

維勤王爲蔚攻魯，佔領曹州武城定陶。奉軍則由天津喜峰口
平谷密雲包圍北京。而郭松齡拒不遵命，謂：『奉張親日誤
 國，軍隊紀律不良，危害國家，塗炭百姓；決心聯合國民軍
 ，請張作霖下野，擁護張學良整頓軍風，以遂救國之初衷，
 』。張學良急回奉調隊防郭。十四日國民第二軍鄧瑜李雲龍
 ，第三軍徐永昌等謂：奉軍壓迫第一軍太甚，義難坐視；攻
 郭戰大名。十六日過順德，於保定與奉軍開火，奉軍退天津
 。岳維峻更令王爲蔚攻臨城，李紀才攻袁州，佔領泰安，近
 迫濟南。二十三日郭松齡於濼縣起事，拘捕姜登選分四軍攻
 奉，號稱東北國民軍，張作霖令張學良張作相湯玉麟韓麟春
 等協力禦之戰於榆關。郭軍擊敗奉軍，越關達綏中，並斃姜
登選於濼縣。國民第一軍由多倫向熱河出發攻承德，爲郭聲
 援，奉軍關朝軍敗回奉天。國民軍復由京奉路出師援郭，而
李景林以國民軍漸漸近迫地位不安；於十二月三日聯合張宗
昌組織直魯聯軍，拒絕國民軍假道援郭。並令張憲爲別動隊

指揮，李爽塏為南路總指揮，馬瑞雲為北路總指揮，李景林任總司令。與鄧寶珊戰於大城任邱。國民第一軍以李阻撓，致功敗垂成，令張之江為總司令，率韓復榘葛金章過之網陳毓嶽四旅於六日由張家口出發赴落堡，攻楊村靜海張莊同日



發生激烈之戰事，國民軍佔領張莊楊村子牙河。二十日鹿鍾麟宋哲元等來楊村助戰，即下總攻擊令。李景林於北滄江設置電網地雷堅固之工事，復得法國日本等帝

國主義之接濟子彈，晝夜激戰，雙方死傷甚眾。鹿鍾麟親臨火線激勵士卒，張之江督催部隊下令前進，深夜接戰白刃相搏，戰事之烈為近年所未有。既而李景林軍敗北，乞援於張宗昌宋哲元韓復榘等卒於二十二日佔領北滄天津與第二三軍

會攻馬廠，李復敗退，戰事小告結束，國民軍官兵傷亡數千人，犧牲眾多。馮玉祥辭職，自請赴歐美考察實業教育。二十五日政府令孫岳督直，兼省長，鄧寶珊爲軍務幫辦。此後對直魯聯軍追擊，由第二三軍負責。郭松齡佔綏中後於本月三日佔領興城連山錦州，節節前進。二十二日攻瀋陽各要塞。時國民軍方與李景林酣戰，不能赴援，而日本恐郭松齡佔領奉天不便侵略，遂由閣議提出援奉問題；除原有駐軍八營外加派一混成旅加入南滿鐵路一帶牽制郭軍。時吳俊陞騎兵亦至奉，襲郭後路，郭軍大敗。二十四日於新民白旗堡郭氏夫婦被擒慘死，暴尸於市。是時國民軍雖戰敗直魯軍亦無裨於郭矣。郭之第四軍長魏益三率軍退守山海關，國民第一軍亦撤軍至張家口原防，二十八日國民軍第二三軍追直魯軍佔滄州。十五年一月九日與直魯軍褚玉璞大戰於吳橋東光間。十六日魯軍第二十師師長方振武於肥城獨立，反對張宗昌；加入國民軍，爲直魯豫剿匪總司令。李景林憤甚，督戰反攻。

佔安陵；國民軍退連鎮。二月三日直魯軍佔東光泊頭滄縣交河。鄧寶珊弓宮魁等部紀律散慢，多失戰鬥力，畢庶澄率艦隊由塘沽登陸，攻國民軍。於是前敵各軍統歸第一軍鹿鍾麟節制，孫岳各部調回後方。鹿令韓復榘禦直魯軍，另調騎兵王鎮淮繞道河間攻滄縣後路；塘沽滄縣之直魯軍後退。東北張學良於一月十七日猛攻山海關，魏益三退昌黎。湯玉麟被金純由錦州入熱與宋哲元相遇，國民軍席液沁部騎兵赴熱河援宋。二月十四日奉方決議四路進攻：張學良爲總指揮，韓麟春攻灤縣安山，張學成攻永平，穆春攻建昌，于勳攻朝陽，國奉兩軍又復接觸。

三月初國民軍於塘沽海面設置地雷，檢察中外商船，並限定出入時間；以防敵人之潛入。各國皆能遵守，惟日本軍艦入口，逞其帝國主義之威風不服檢察；國民軍爲職責計，爲國體計不稍退讓，遂開砲轟之。日艦退去而使天津各國領事向外部抗議，議實行辛丑條約，撤去津沽一帶軍事設施。十

七日各國軍艦集於大沽示威；翌日北京各校學生及民眾爲大
 事開會遊行，作反抗國際帝國主義運動，高倡取消不平等
 條約。後赴國務院請願，勿屈於外人。段祺瑞受英日兩帝國
 主義之指使，於國務院門前公然令衛兵射擊；學生及市民死
 者三十餘人，傷者二百餘人。傷亡枕藉，狀極悽慘——三一
 入慘案——。

入魯之國民第二軍進行順利直抵濟南城下。而吳佩孚遣靳
 雲鵬勾結舊豫軍王爲蔚等攻李紀才後路；並將其大部包圍繳
 械；國民軍大敗。十二月十三日——十四年——張宗昌反攻
 泰安，靳亦由南京來兗州，陳文劍田維勤亦投靳。吳佩孚乘
 機分三路攻豫省國民軍，張聯陞寇英傑陳嘉謨分任三路司令
 。十五年一月十三日豫西之劉鎮華張洽公率鎮嵩軍由靈寶攻
 南陽，吳新田起兵圖陝西共降吳；李雲龍等西上防之。二十
 三日吳佩孚下令動員，北攻信陽。張宗昌靳雲鵬會泰安，協
 訂：(1)靳軍駐臨城以南，歸吳統率，餉糈由張宗昌供給

；(2) 靳張兩軍對國民軍戰事合作。於是張宗昌吳佩孚等反革命之戰線固結，勢力雄偉。寇英傑入武勝關佔信陽確山駐馬店。靳雲鶚由曹州武城攻河南。二月五日寇英傑部爲國民軍蔣士傑部所敗，退守李家寨；吳令孫建業楊清臣援寇。一面令靳雲鶚張宗昌李景林各軍同時大舉反攻。王爲蔚入豫佔歸德蘭封；米振標於開封叛變與魏益三亦降吳，國民軍大潰。三月二日鄆城樊鍾秀附逆，歡迎吳軍，佔領鄭州。國民軍分向北京西安兩路退却。吳令劉鎮華爲陝甘聯軍總司令率張給公等部沿隴海鐵路西追，二十一日佔洛陽，遂卽入陝。又令靳雲鶚米振標楊清臣爲一二三，三軍總司令沿京漢鐵路北攻。京畿之國民第一三兩軍受河南失敗之影響，亦開始總退却：韓復榘部退南苑，石友三退黃村，鄭金聲方振武退順義，各路繼續撤退。三十日張作霖，張宗昌，李景林等於秦皇島會議，議決分三路攻北京：李景林攻通縣，張宗昌攻黃村，張學良攻順義。四月十五日國民第一軍及第二三軍徐永

昌方振武弓富魁各部整隊退出北京，開往南口張家口一帶。
宋哲元亦由承德退守多倫，奉軍湯玉麟部入熱河。

第五節 南口苦戰

國民軍退出北京後，吳佩孚統率鄂豫直魯各省大軍北上，聲勢浩大，氣焰逼人；強迫晉軍出兵大同，斷國民軍之歸路。張之江爲國民軍總司令，鹿鍾麟爲京路總司令，命劉汝明守南口，佟凌閣守延慶赤城，鄭金聲陳希聖守妙峯山懷來，徐永昌方振武弓富魁守於直晉交界地帶。宋哲元爲西路總司令，命席毓池王鎮淮守沽源多倫，韓復榘石友三守平地泉豐鎮一帶，各路均取守勢。吳佩孚迫令熱河直隸山西三路總攻擊。五月二十三日韓復榘石友三方振武徐永昌弓富魁各部與晉軍商震張培梅傅作義等部於紫溝堡豐鎮同時交戰。二十三日佔領陽高，戰於孤山。晉軍損失甚鉅，退出大同車站。三十日國民軍包圍大同，雁門關以北各要地相繼佔領。南口方

面因靳雲鵬不欲追擊國民軍，按兵不動；吳怒免靳職，令各軍會攻南口。六月張作霖來北京，二十八日吳佩孚亦至協商軍事。時馮玉祥派李鳴鍾劉驥為代表赴廣東，請出師援救，夾攻吳張。七月二日直魯吳奉各聯軍猛攻南口，魏益三田維



勤王為蔚等部由京西至

鹿紫荆關一帶與晉軍聯合

北攻。張宗昌張學良褚

鍾玉璞等均親臨指揮，猛

烈攻擊南口懷來；經劉

麟汝明佟凌閣等師奮勇防

守鏖戰數十日使不得逞

。國民軍部將陳連富門致中熊斌甘靖海等潛伏京津密秘聯合田維勤部賈馬兩團；及高汝桐高桂滋米汝賢三部；攻奉直魯軍後路，牽掣其兵力。十二日田維勤部陳鼎甲旅譁變，投國民軍。二十六日席毓沁與王鎮淮不睦，棄職逃津，以致多倫

失守，宋哲元急增援克復之。八月一日南口多倫戰事驟緊。四日田維勤部兩營倒戈，為國民軍先鋒攻三家店。奉軍增援南口；湯玉麟攻沽源，吳俊陞攻多倫。國民軍以沽源失守，南口大受牽掣；復以接濟不足子彈缺乏至十四日各路總退却。



。晉北韓復榘石友三鄭

宋 金聲張自忠各部與晉軍

總指揮商震接洽投誠，

哲 改編為晉軍，駐於綏遠

包頭五原一帶。此役牽

元 掣奉魯全軍，及吳軍大

部，使不得南下援湘；

南方革命得以長驅武漢，完成北伐之一段落。

第六節 五原誓師 恢復陝豫

李鳴鐘劉驥與國民政府接洽相約進兵，遙為呼應；九月十

六日馮玉祥同于右任由俄國回五原。國民第一二三五各軍將領會議，共推馮任總司令。十七日馮宣誓就國民軍聯軍總司令職，全軍加入國民黨，其宣言有：「中山主義，驅我而歸，」之語。當日閱兵訓話，示之以三民主義，勵之以革命精神。



力國民革命之工作。

國民第二三軍李雲龍楊虎誠等自河南退入西安。劉鎮華率鎮嵩軍張治公榮雲陞等部包圍西安至半年之久。楊李聞馮回國急電請援。馮令孫良誠為援陝總指揮，方振武副之，率馬

孫下；聞者感奮，士氣大振。並接受中國國民黨之黨旗，釐訂政治工作方針；使軍隊黨化，政治化。各將領咸誓於國民黨領導之下，繼續努

鴻達石友三韓復榘陳希聖劉汝明孫連仲等部由五原拘西安前進。復令甘肅天水張維璽東攻隴縣汧陽。十月初孫夏誠方振武梁冠英等部經臨河寧夏固原平涼長武邠州至扶風三原；跋涉七千餘里近迫西安。十一月二日孫連仲馬鴻達抵乾州，進攻咸陽，二十三日克復，圍攻西安。劉汝明師繞襲劉鎮華軍後路十里舖，孫連仲攻藍田，劉鎮華部退守潼關；二十七日解西安之圍。

國民政府以國民軍困守南口，急待援救；七月九日命蔣中正爲國民革命軍總司令，下令動員出師北伐。八月二十一日佔領湖南常德，攻武漢；吳佩孚由北京南下督戰。九月五日華命軍佔漢陽，圍武昌，吳退入河南。靳雲鵬田維勤魏益三等每以餉糈要脅，不服吳指揮。及國民軍克復陝西。國民政府催馮出兵潼關，會師北伐。馮卽令孫連仲率馮給安等出武關荆紫關，攻豫南。令徐永昌假道山西直襲石家莊。十二月初國民軍出潼關與柴雲陞部鏖戰，十三日，佔陝州觀音堂，進

逼洛陽，柴雲陞向吳佩孚乞援。豫西劉鎮華，豫南樊鍾秀，陝南吳新田等經于右任之勸導均響應國民軍。吳佩孚令田維勤王維城等包圍靳雲鵬部；靳部任應歧劉培緒起兵反抗。靳聯絡魏益三樊鍾秀龐炳勳等於十六年一月十日圍攻信陽田維勤部。奉軍以援吳討靳為名入彰德。三月十五日張學良率十萬大軍入鄭州。吳佩孚退駐鞏縣，靳雲鵬退守新鄭。靳雲鵬南聯唐生智，北請馮玉祥閻錫山出師援助。三十一日唐令張發奎劉佐龍入豫援靳；馮令劉鎮華等東攻洛陽。四月二十六日張發奎部與奉軍戰於郟城，激戰三晝夜，力不支敗退。奉軍佔領駐馬店確山。張給公部王振屠戮新安，吳佩孚部慘殺鞏汜豫西入民恨之刺骨；故汜水鞏縣洛陽一帶紅槍會首領王臣祥朱萬祥等結眾五萬與附奉之張給功部衝突；林縣涉縣輝縣武安之天門會亦揭竿為難，勢殊猖獗。奉軍令萬福麟高維嶽等率部由鄭州西上，以榮臻為指揮援助張給功。五月一日馮玉祥於西安就國民革命軍第二集團軍總司令職，命方振武

孫良誠馬鴻逵韓復榘張維璽劉汝明等部集中華陰潼關靈寶陝州一帶，由馮自行統率向洛陽前進號曰中央軍。唐生智復令劉興入豫至信陽迎擊奉軍。二十一日第二集團軍至繩池，克新安俘敵六千餘人。繼又擊潰萬福麟張給功等部佔領洛陽。



吳佩孚即先期向南陽出

孫 走依于學忠。孫連仲令

：陳琢如赴老河口聯合

連 張聯陞；田鎮南赴新野

聯合閻得勝等；于學忠

仲 部毛思義亦不肯附吳；

吳部完全瓦解。馮委岳

維峻為南路總司令率李雲龍馮毓東等部赴豫南。二十八日孫良誠等由黑石關攻鄭州，奉軍北退。三十一日克復孝義鄭州。馮玉祥一方令劉汝明等向滎澤追擊；一方令石友三張華堂向開封前進，六月二日入開封，第一集團軍亦佔徐州。四日

唐生智部亦至鄭州。十二日馮與唐生智及中央委員汪兆銘譚延闓孫科徐謙顧孟餘等會於鄭州，決議：唐部撤回武漢整頓；共推馮爲北伐總司令；馮部以孫良誠石敬亭方振武宋哲元等爲各方面總指揮，命劉汝明韓復榘馬鴻逵分三路北進。二十日馮於徐州與蔣中正及中央委員胡漢民吳敬恆張人傑李烈鈞李石曾黃郛等會議，主張寧漢合作，驅逐鮑羅廷。決議：集合各集團軍之武力，貫徹北伐政策；清除共產黨，統一國民黨。閉會後馮即令孫連仲由荆紫關赴南陽登封，解決東窺武漢之于學忠等吳氏殘部。七月二日吳佩孚潛渡襄河，陳琢如率兵兩旅截擊；其衛隊千餘人均被繳械，隻身入川。擾亂中國之軍閥，除其一矣。

第七節 晉奉之役

十六年三月奉軍戰於河南也，張作霖遣韓麟春赴太原請閻錫山出師援助。閻婉拒之，而與國民政府接洽合作；命商震

爲晉軍第一軍總司令籌備對奉之軍事。復命各師分赴娘子關大同晉城三路布防，牽掣奉軍使不敢以全力南下。四月十日閻錫山明令取消本省軍務督辦，自任晉綏總司令。訓令各軍謂：『先總理三民主義，保障人羣之公道，增進人羣之價值



；願我全體軍人信之服之。且望本犧牲之精神，與障碍三民主義者竭力奮鬪，……」。六月三日山西綏遠均改懸黨旗國旗，服從三民主義。各軍隊增設政治工作，

以期黨化，號稱北方國民革命軍。閻錫山與馮玉祥信使往返，決定晉軍入直，馮部攻魯，早竟北伐之功。張作霖聞信急召集軍事會議，討論京漢京綏兩路對晉軍之軍事計劃：以綏金純防守石家莊；另調熱河軍隊助高維嶽布防於張家口宣化

一帶。自陝北入晉之徐永昌部改爲晉軍，奉閻令出娘子關直迫石家莊，商震部則集中晉北之天鎮。七月十三日晉軍分三路攻石家莊，十五日徐永昌部完全佔領之；奉軍退至正定。奉軍調隊增援成相持之局。九月初方聲濤劉洽洲等往來豫晉



，約攻直魯奉軍。閻遂傳宣言討奉：『掃除三民主義之障礙；以遂救國之目的』。二十日京綏路晉軍商震鄭澤生李達義生等部與奉軍高維嶽張作相湯玉麟等部發生戰

事。十月四日佔領張家口懷來，進攻南口。京漢路晉軍由閻親自指揮徐永昌孫楚等部向奉軍猛攻。七日佔領定縣新樂。晉軍譚慶林傅作義由廣靈襲門頭溝涿縣。十三日傅率部入涿縣。時馮玉祥所部各軍方與直魯軍鏖戰於豫東，無力援晉；

故各路晉軍旋即撤退嚴守雁門關紫荊關娘子關。十四日奉軍佔石家莊。京綏路鄭澤生原擬入熱河，後降奉軍。惟傅作義困守孤城，牽掣奉軍大部實力；奉軍屢次猛烈攻擊，死傷甚眾。百計俱窮，無法攻下。至十七年一月七日城內軍民無食，雀鼠已盡；以不降奉軍，不參加內戰之條件，始和平解決。奉軍之各路攻山西者需時數月之久，雖一部入平型關；然他處均因地勢不利，無何發展。

第八節 兩佔徐州

十六年三月第一集團軍克復金陵，直魯軍退守蚌埠。張宗昌自以勢力孤微，乞援於日本。五月二十九日日軍至山東，反抗革命軍。六月二日開封徐州爲國軍克復。馮玉祥令孫良誠石友三韓復榘馬瀉達劉汝明等部沿京漢路北進；孫連仲方振武岳維峻各部守襄陽兩陽信陽；其他鹿鍾麟龐炳勳劉鎮華鄭大章等部分向濟寧進攻。二十三日鄭部與敵軍連日激戰，

佔領荷澤。七月二十二日馮玉祥任命靳雲鶚為山東宣撫使；劉鎮華為援魯總司令，鄭金聲副之。時王天培馬祥斌失利於滕縣金鄉，大部南退；馮復令鹿鍾麟為東路總司令，率楊虎誠常好仁等部由歸德星夜向徐州前進增援。八月四日抵九里



山，而王馬等部已於三日退却矣。六日鄭大章部佔領濟寧；旋聞徐州友失守，又於十三日放棄濟寧。

三 七月三日京漢路方面吉鴻昌首由鞏縣渡河，

孫良誠韓復榘石友三繼之，佔領溫縣孟縣懷慶清化。七日佔領新鄉，奉軍北撤。吉鴻昌部追擊奉軍，十日佔彰德。靳雲鶚見寧漢決裂，北伐不易成功，別生野心；南聯武漢以補充子彈，東聯孫傳芳張宗昌特為與援。九月七日靳由鄆城北襲

第二集圍軍之後路。馮令：孫良誠由新鄭攻許昌臨潁禹縣，韓復榘部進攻登封臨汝，孫連仲由信陽北攻。各路同時進攻，八日韓復榘部佔登封白沙。十一日孫良誠部佔郟城，孫連仲部佔西平。靳軍大敗，率馬吉第等部經上蔡竄入安徽潁州陳集一帶。被孫連仲席液池與秦慶麟等部包圍繳械，斬隻身逃入六安。

張作霖張宗昌孫傳芳等擬乘蔣中正下野之際，由山東直隸兩路猛進，收復河南，奪取蘇皖；恢復北伐前之原狀。令褚玉璞程國瑞徐源泉張敬堯潘鴻鈞方永昌等率十餘萬眾併力西攻。馮玉祥與寧方李烈鈞商定攻守計劃，請李死守江寧鎮江各要地以保江南，決派隊援助。八月九日褚玉璞徐源泉指揮各部與鹿鍾麟部楊虎誠王金翰等部激戰於黃口一帶。十一日佔領陽山。九月靳雲鶚叛變直魯軍更乘機攻馬牧集，十月十四日第二集圍軍大敗，張宗昌誘惑劉鎮華部姜明玉背叛；致前方之鄭金聲爲姜所執，送往濟南，就義。二十三日兩軍復

大戰於歸德蘭封考城。十一月一日馮玉祥電請李烈鈞出兵北上，會師徐州。並令鹿鍾麟督率韓復榘龐炳勳孫良誠劉鎮華石友三等部猛烈反攻，鏖戰於柳河。大敗敵軍於歸德內黃，俘虜三萬餘人。六日韓復榘部入歸德。直魯軍退守馬牧集湯



山。十六日魯軍集合各部反攻，至二十四日又遭覆敗；潘鶴鈞陣亡，銳氣喪失。十二月二日馬鶴遠部騎兵追擊至九里山，徐州動搖。各將領親臨指揮，經四晝夜

之血戰，至七日再克徐州。

第九節 會師京津

第一二集團軍既克復徐州，雙方將領於二十日通電擁蔣中

正爲總司令。魯西方面孫夏誠、劉鎮華攻入新野、嘉祥，魯軍撤退；韓復榘則直向濟寧追擊。二十三日佔領濟寧；約第一集團軍圍攻濟南。嗣因第一集團軍方事攻湘，未能即日北進；復退出濟寧。十七年一月三十日轉攻曹縣，捕姜明玉、正法。京漢路方面以鹿鍾麟爲北路總司令，率孫連仲、王鴻恩、佟凌閣、韓占元、梁壽凱等部渡河北攻。迎擊沿京漢路南下之奉軍戴翼翹部，連克湯陰、彰德、臨彰，夾漳河相持。褚玉璞率直軍至大名，戰於南樂。劉鎮華猛攻直軍，佔領清豐、南樂等縣。二月十七日龐炳勳部擊潰僞皇帝韓玉明逆軍，克復林縣，焚其官殿；豫北匪患肅清。

月之十六日蔣中正至開封與馮玉祥協商克復幽燕大計，決議分津浦、京漢、京綏三幹線前進，會師京津。閻錫山令商震出保門關，楚萬信出紫荆關，譚慶林、張培梅出龍泉關，楊愛源出平山，徐永昌出娘子關籌備進攻。津浦路方面劉峙、陳調元、賀耀組、方振武分任指揮，督隊前進。京漢及魯西之第二集團

力較爲薄弱，彭德懷顧於危急。卒賴各級官兵均誓死抵禦，軍長龐炳勳旅長陳遵富等雖負重傷猶督師防禦；始未失守。十六日韓復榘赴彰德增援，猛烈攻擊。十日李雲龍赤亞武等部圍攻西安，宋哲元部張維藩出春芳等督隊禦之，至十八日



始擊退敵軍解圍。二十
陳 二日樊鍾秀乘魯西河北
軍事緊急之際，受奉軍
吳 聯絡，攻盩厔。馮令石
友三宋哲元由東西夾攻
富 旋即剿平。然牽掣第二
集團軍之兵力甚鉅。

津浦路上之第一集團軍戰敗魯軍，十日佔領台兒莊臨城；
魯軍集中界河兗州。十一日第二集團軍呂秀文部佔領鄆城，
而孫傳芳軍戰勝賈耀祖部，向九里山追擊。十五日石友三星
夜由蘭封至碭山攻豐縣。二十一日孫良誠率騎兵佔領濟寧，

衝斷孫傳芳軍之後路，孫傳芳大敗退守兗州泰安。孫良誠部與劉峙賀耀祖方振武等旋即會師兗州，肉迫泰安。二十三日孫良誠部入泰安分兵經肥城寧陽繞襲濟南，賀方等部攻萊蕪博山，斷膠濟路之聯絡。張宗昌見大勢已去，非個人兵力所能挽救；遂再請日本出兵援助，二十五日日軍至博山濟南。張作霖復調黑龍江軍隊入關加入津浦線，以何豐林為津浦路後援總司令。三十日魯軍退出濟南；五月一日奉軍亦全線撤退。是日津浦路方面亦克復濟南。三日慘案發生，蔣馮議決不擴大濟案，繼續北伐：第一集團軍由濟西長清繞道攻德州，李宗仁白崇禧實行圍攻入豫。第二集團軍自大名彰德兩路北攻。第三集團軍由京綏正太原路進擊。奉軍直魯軍孫傳芳軍各路退却，擬守滄州石家莊下花園，偃護退兵。十六日第二三集團軍與奉軍戰於方順橋保定高陽一帶。第三集團軍楊愛源李維新商震徐永昌孫楚等分由張家口高碑店保定三路同時東攻。鹿鍾麟孫連仲沿京漢路北進；韓復榘馮治安由獻縣

取河間；孫夏誠鄭大章方振武經東光滄州薄天津。蔣中正白崇禧先後赴新鄉晤馮討論第四集團軍參加北伐事。二十八日第三集團軍徐永昌等由京漢路及滿城兩路包圍保定，直迫城下。第二集團軍於三十日進至河間高陽雄縣。奉軍撤至琉璃河長辛店靜海，大部退至灤縣或徑出關。六月二日張作霖回奉，四日至黃姑屯車站為日本人所害，吳俊陞亦同遇難。六日韓復榘馮始安率隊至南苑，沿京奉路追擊至北滄，東至通縣。殘敵鮑毓麟旅由北京回奉天，途經通縣被包圍繳械。商震譚慶林等部由京漢京綏兩路於八日入北京。十二日第一二集團軍入天津。敵軍徐源泉孫殿英張敬堯孫傳芳鄭俊彥陸殿臣等部先後收編。國府令閻錫山為京津衛戍總司令，聶衛京津。馮玉祥以京津均克復，戰事結束，調各部隊回豫陝甘原防，所有防地交第三四集團軍接防。

七月初蔣馮閻李四總司令及白崇禧魏鍾麟等先後抵北京，會議對唐山直魯軍殘部解決辦法，決令白崇禧負責剿撫；至

於奉軍已表示輸誠國府，決用政洽手段解決。八月二日徐永昌等部佔領北塘，劉鎮華部由廊坊開往玉田。白崇禧部自通縣東下會師灤縣。九月十二日徐永昌部克復灤縣。張宗昌褚玉璞退守古冶，張學良收編其殘部駐榆關內各縣。山東之張宗昌部概由石敬亭負責剿辦。膠東方永昌因劉珍年投誠國府，自行下野，大局亦定。

熱河地處塞北，交通梗阻，備受軍閥之荼毒，外間少有聞者。自民元以來爲毅軍姜桂題王懷慶米振標等盤據；人民不堪蹂躪，遂羣起反抗。十一年奉軍撤兵經過熱河，平泉蘇耀東揭竿起義，集合鄉團數千攻奉軍。奉軍轉攻朝陽，朝陽民團領袖呂泮林率隊抵禦，形勢危岌；楚平張子劍爲游擊司令部之參謀長遣兵援呂，始擊潰敵軍。而王懷慶關朝璽等復軍臨熱河，壓迫民眾；一般志士多集於多倫以爲根據地。如民黨白雲梯金黨青韓致祥鄭佩烈杜真生陳鏡湖張子劍姚雲章樂敬齋黃子和等俱來會，共謀肅清熱河軍閥，解除民眾之羈絆。

。十五年春公推張允榮爲總司令，張子釗副之。旋以張子釗改充籌擊司令，共同出師。連日克林西經棚大灘豐寧等地。旋以軍力單薄，接濟缺乏爲奉軍所敗。然喚起熱河民衆作有組織之革命運動，自是發軔。十六年秋閻錫山將攻奉軍也，召集熱河諸志士至綏遠，討論夾攻京津之策略。咸主張先取熱河據奉軍之背，京津可不戰而下。決以張子釗爲特務執行委員，担任聯絡工作；軍事則由鄭澤生負責，及晉綏國軍六路動員，直迫京師，左翼鄭澤生部出古北口，熱河各地民軍紛紛響應。及國軍撤退，鄭部失却聯絡，陷入重圍，遂降於奉軍。十七年三月閻錫山命張子釗爲熱河方面總指揮。劉山勝爲第八路總司令，由周尙文夏鳳桐二人冒險奔走收編青縣寇英傑部劉張各旅六千餘人，擬由張子釗率領入熱。熱河民軍首領姚雲章黃子和張允恭及劉山勝等各率眾數千，亦望張早日來熱，共成義舉。五月中旬張率隊由青縣馬廠北進，因沿途敵軍過多，進行甚緩，至楊柳青遂奉令隻身星夜回熱。

張子釗潛越敵軍，於二十三日達林西。連日與劉山勝等計議軍事步驟。奉軍既放棄京津，退守古北口喜峯口灤縣一帶，據險負固，以期捲土重來。六月二十三日張子釗劉山勝通電就職，響應國民革命軍，林西經棚等縣改懸黨旗。二十六日



出師南下，與奉軍戰於烏丹大廟錐子山上黃旗多倫大閣等處。七月十六日湯玉麟派隊襲擊經棚以斷林西與多倫之聯絡，激戰兩晝夜，始敗退。而三岔口張家店形

勢日危，烏丹張子釗部亦與敵軍發生劇戰。二十三日電請閻錫山商震等出師援救。遂令方振武率師援熱。方振武督率精兵直迫熱南，閻令傅存懷率部出白馬關獨石口多倫，側擊敵軍。熱河民軍分兩路南攻：左路由張子釗指揮攻平泉凌源；

右路由劉山勝指揮攻圍場。各地民軍協合進攻，奉軍陷於重圍。始悟居黨國之外不能獨存，久而必敗；遂派員輪誠中央，全國統一，北伐之使命至是完成。於是各軍撤防，結束軍事。張子釗等資遣部屬潔身隱退。

第十節 新中社

自十三年國民黨容共而後，北方秘密時期之黨務多爲共產黨把持。于樹德江浩等在天津，李守常在北京操縱各級黨部組織新中學會。一般青年多惑於邪說，工人則只知階級鬭爭。京津同志欲實現總理之三民主義障阻甚多；給謀自救之道，共立信條，自相策勵，形成革命之集團；十六年一月張清源，蘇蓬仙，童冠賢等成立新中革命青年社。以團結國民黨革命份子，鞏固國民黨基礎，實現三民主義爲目的。開始組織黨員訓練班，闡明理論；研究秘密工作，組織民衆；先後在天津北京參加者五百餘人。四月六日北京東交民巷案發生。

，黨部摧毀，而共產黨秘謀恢復。及寧漢分裂之後共產黨陰謀敗露；新中社提出：『先清共後清腐』之口號。遂承南京中央黨部之命改組北京天津兩黨部。北京排除共產黨，天津摧毀赤色總工會，直隸各縣市消滅共產黨之下級組織。而軍閥之蜈蚣四出，捕拿甚急。一般黨員仍抱定爲主義犧牲之志願，決獻身黨國。黨員包宗容於京南彩榆一帶組織農民義勇團。經營數月之久，聚眾五千餘人，備效購械，以期響應北伐之革命軍。惟以奸人告密，北京軍警於西城缸瓦市捕包宗容等，並指名通緝；旋至京南馬駒橋，京東薊縣大事搜捕，包宗容等以身殉義。十七年六月革命軍克復京津，黨務公開，新中社即停止社務之進行。十八年夏正式宣布解散。用以展開廣大之革命羣眾運動，而期各小集團共同消滅。集中黨之力量，完成黨之使節。

第十一節 護黨救國

此次國民革命得全國革命同志之擁護，統一南北。十七年十月戴傳賢等推蔣中正爲國府主席，尊於五院之上。兼領全國海陸空軍總司令，權位益高。咸謂其把持，紛紛反對。一般民眾切望第三次全國代表大會，根本解決一切糾紛。二十五日戴傳賢等規定特別登記法，增加羽翼。十八年二月更訂大會代表產生法：除南京廣東廣州用選舉外，其他各省市由彼等指派或圈定。於是全國大譁，咸謂其潛竊總理之特權，破壞黨綱，背叛民主之原則。二屆中央執行委員汪兆銘等及河南山東甘肅各省黨部，遼寧吉林黑龍江陝西四川各省黨務指導委員會，南京北平天津哈爾濱各市黨部，福建四十八縣各縣黨部，駐美法加拿大安南總支部紛紛通電否認南京三大大會，開始護黨救國之工作。三月二十八日南京政府以禁止民眾反日運動，承認段祺瑞之借款之爲條件請日本撤兵；解決濟案。而中國被慘殺五千民眾之賠償及道歉均未提及，尤爲國人所反對。四月初，蔣中正收買兩湖軍隊，解決第四

集團軍。復秘調陳調元劉峙部由浦口漢口北上，起用唐生智率部自平津南下，命甘肅悍匪馬廷賢馬仲英佔領寧夏，欲一舉消滅第二集團軍——國民軍——。四月二十六日國民軍爲保全革命實力計，放棄山東河南退入陝西。而各方革命同志，均請出兵，以衛黨國。馮玉祥於六月五日在陝西華陰，揭救國旗幟，宣言出兵。任命石敬亭等八人爲入路總指揮，計由洛陽襄樊兩路出師。旋閻錫山請以和平方法解決政治問題，無須干戈；國民軍生活問題亦願設法維持。馮極贊成，卽收束軍事，下野。於二十一日由潼關渡河赴太原。而蔣中正更拘禁方振武——九月二十日——令方策毛炳文解決其在皖之部隊。方振武部師長鮑剛旅長余亞農敗退潛山。湖北宜昌張發奎部亦被壓迫逃至廣西。蔣復令唐生智徐源泉王金鈺劉鎮華等部壓迫國民軍。宋哲元劉郁芬等以束手待斃，莫若爲黨國而犧牲；遂於十月十日通電略謂：「蔣氏：包辦三全大會，政績貪污；驕奢淫逸，濫發國債；對北方災民饑軍則漠

不關心——自謂南方軍人生活程度高，非發餉不能維持，北方軍隊生活程度低可以不發餉——；摒除黨國元勳，消滅革命武力；利用暴俄喪權辱國；蔣氏不去，中國必亡。」並分三路出兵：一路由宋統率沿隴海路東下，分令孫良誠、梁冠英、程心明等部攻鄭縣，龐炳勳、魏鳳樓攻許昌，馮治安協同地方民團軍攻登封、密縣；一路由劉汝明等部出荆紫關攻南陽；一路由張維璽等部自漢中攻襄樊。蔣中正令何應欽爲第一路總司令，劉峙爲總指揮，率顧祝同等部攻荆紫關；唐生智爲第二路總司令，方鼎英爲總指揮，率徐源泉等部由隴海路攻洛陽。十二日孫良誠、龐炳勳部與唐生智部衝突，佔領鞏縣，唐部退守鄭縣。魏鳳樓等部佔領登封、臨汝。張維璽等部由新野入鄂。二十日樊城與劉峙部激戰。各路寧軍甚危，蔣急趕赴前線督戰。令何成濬率飛機三十餘架增援，督促各路反攻。大戰於黑石關、廬店一帶，死傷甚眾。魏益三部幾全覆沒，戰事之烈亦可想見。十一月六日蔣赴鄭縣督促何成濬等反

攻。宋哲元等親臨戰線，激戰數晝夜斃敵五千餘人，復勝寧軍進迫平漢路許昌駐馬店。同時南路寧軍亦不利。蔣調毛炳文朱紹良等加入奇昌，並令四川劉湘出兵援救。劉派郭汝棟部加入襄樊。湖南何鍵亦派門炳岳師援應。蔣於十五日下午第三次反攻令，仍未得逞。是時閻錫山主張息兵，張學良請先討俄；十七日國民軍各路由前線退守豫西，以圖團結北方實力一致對外。

石友三等於五月間以討入寧軍，由豫入魯入皖，輾轉至江蘇浦口。突於十二月二日夜舉義，就護黨救國軍第五路總司令職，駐防蕪湖安慶等部亦響應。與寧軍顧祝同部戰於烏衣張八嶺。鮑剛率余亞農部夾攻寧軍，韓復榘令孫桐軒師開往徐州蚌埠援石。岳相如——柏文蔚舊部——在皖北鳳台正陽響應，因缺乏實力均為寧軍壓迫敗退。

浦口事起唐生智忽於五日就護黨救國軍第四路總司令職，並假南北七十五將領名義宣布東——日——電，並宣言反蔣。

豫民團軍區長段春澤，於十月三日奉孫良誠之命，同陳連富孫貽果等密赴寧軍後路豫南之信陽正陽，聯合民團軍首領王占三熊會齋姚歷山王季虎及國民軍舊部湯鴻賓等秘密工作。及戰事起，即破壞寧軍之運輸。三十一日夜將信陽遂平及



焦莊附近鐵路電線拆斷，與夏斗寅部接觸，旋

退散。十一月十六日乘

春 虛攻武勝關復爲寧軍鐵

甲車隊擊退。十二月五

日唐生智態度忽變，夏

斗寅部南退；段春澤即

通電就豫南民團軍總司令職，令王占三率軍佔領信陽車站，並令王季虎截擊敵軍，俘虜百餘人。七日克復信陽。十四日夏斗寅袁英等部反攻，激戰十餘日，雙方死傷甚眾。至二十九日段等敗退。王占三姚歷山白中清等被捕爲袁英槍決。王

臨刑猶高呼：「我爲救國救民者死，死而無憾！」

蔣中正一方令朱培德等負責防石；一方令何成濬督率各部攻唐。汪兆銘電催宋哲元等飛速進攻援應唐石；十四日鹿鍾麟自天津回潼關，與宋哲元等再宣言出兵。而唐生智因寧軍晉軍之壓迫，於十七日自鄭縣南移許昌駐馬店，孫殿英率部來援。十九年一月六日唐軍敗於駐馬店臨潁，十三日爲劉峙解決。石友三放棄徐蚌退入河南。而劉峙等仍節節進迫。二月十日閩錫山電蔣謂武力統一，不適於今日；請共下野，以遂和平統一之志願。蔣謂，今非其時，下野徒以助亂。二十日鹿鍾麟等推閩爲全國陸海空軍總司令，馮玉祥李宗仁張學良爲副總司令。聯銜通電反對三全大會。汪兆銘主張如和平無望則以武力制裁。三月十日馮自太原回潼關，十五日鹿鍾麟商震黃紹雄等宣布蔣氏罪狀。鹿鍾麟等首由潼洛東下。樊鍾秀於許昌響應。四月一日閩馮李各在太原潼關桂平就職電請汪兆銘北上，領導羣倫，奠安黨國。鹿鍾麟石友三於鄭縣

新鄉就第二四方面軍總司令職。蔣令何成濬等守鄆城，何應欽等守襄樊。九日親至徐州督戰。二十二日遷至洛陽召集各方將領會議，決定作戰計劃。鹿鍾麟徐永昌石友三傅作義等赴前線督師；兩軍遂於鄆城亳縣歸德曹州禹城發生激烈戰事。蔣中正利用德國之飛機，大砲，分路攻擊，第二三四方面軍只以大刀及手榴彈抵抗；雙方死傷甚眾，成相持之局。六月二十五日第三方面軍，擊敗韓復榘部克復濟南，蔣軍戰線動搖。七月十三日國民黨中央黨部擴大會議成立，十五日汪兆銘自香港經日本北上主持黨國大計。政府即將成立；護黨救國之工作告一結束。

第五章 國際之戰

十三年五月俄代表加拉罕與中國外交總長顧維鈞簽定中俄協定，恢復邦交，其第六款謂：「兩國於各該國境內不准容圖謀反對對方政府之機關或團體之存在，及舉動；並允不於

對方國公共秩序，社會組織相反對之宣傳：「第九款謂：『中東路係商業性質；如司法民政警察市政稅務地畝等項概歸中國辦理。』此後中東路歸中俄共管；設理事十人，中俄各半，理事長由中國指定，即為督辦，副理事長由俄國指定，即為會辦；路上各級人員中俄兩國人平均任用。同年九月奉俄協定亦有同樣之條文。而俄人違約把持，侵蝕華方權利。十八年五月二十七日哈爾濱俄國領事館內召集第三國際共產黨宣傳大會，擬組織暗殺團，助長內亂。為中國軍警所悉，劉獲首領次亦巴列為池等八十餘人。七月十日中東路督辦蔣榮震向俄人提出遵照協定行使職權，平均用人條款，即日實行。俄局長藉詞反對，不允實行；遂將其免職，收回管理權。十七日中國根據中俄協定深責其不應破壞協定，宣傳赤化；擾害地方。俄國竟於翌日宣布絕交；委加倫——曾充中國顧問——為遠東特別軍司令，下令動員。中國商船及華僑多被俄軍扣留。十九日綏芬河俄軍向華軍開砲轟擊。八月八日

復攻滿洲里。中國民氣激昂，羣請討俄。而蔣中正令張學良切勿還擊，任其自然，以保和平。俄海軍由黑龍江攻綏東，興密山。十八日攻綏芬，滿洲里之俄軍與華軍衝突。張學良任命張作相為防俄軍總司令，萬福麟為副司令，王樹常為東路總



指揮，胡毓坤為西路總指揮，鄒作華為前敵砲兵總司令。俄軍連日侵

學入國境，洗劫：吉林之東寧，汪清，黑龍江之寶，室，章，鷓，浦各縣。三十一日王樹常由瀋陽北上

，胡毓坤令梁忠甲，韓光第等旅防滿洲里。東北海軍總司令沈鴻烈令軍艦九隻至三江口一帶布防。九月六日東西兩路及黑，河各地，兩軍鏖戰數晝夜，以東路攻綏芬為最烈，我方軍民死傷甚眾。瀋陽，馮庸大學組織殲俄義勇隊，各中學繼起，二十

一日抵哈埠轉赴前線。十月十三日俄國海陸空軍同時進攻。海軍侵入同江。國軍退守富錦，軍艦被擊沉者四隻，隨船沉沒將士五百餘人。十七日我國援軍繼至，恢復同江，而損失已重大矣！旋俄軍反攻，越同江陷富錦。張學良準備令奉省軍隊向吉黑增援。沈鴻烈始親自指揮海軍反攻，十一月四日克復富錦。十七日俄陸空兩軍猛攻，陷扎蘭諾爾炸煤礦。砲火異常猛烈，國軍旅長韓光第及團長二人陣亡，下級官兵死者五千餘人，滿洲里失守；胡毓坤率隊西上至海拉爾。未幾與梁忠甲旅退守博克圖，放棄海拉爾。東路密山鄭澤生部亦敗退。以東北一隅之力抗暴俄傾國之師，支持數月之久；蔣中正更乘機出兵中原，使北方軍隊不能援救東北，以致於敗。二十一日蔡運昇赴伯力與俄交涉停戰。國人以中俄交涉稽延，東省犧牲重大，外交當局應負其咎；上海等市黨部則請懲辦王正廷周龍光以謝天下，然已無裨於矣事。

版權所有
翻印必究

中華大歷史

自辛亥革命起至中東路案止凡
 歷次革命政治外交軍事之變遷
 以及各省之狀況均詳述其因果
 始末後附中央及各省重要官員
 系統表民國各人名號籍貫一覽
 表尤便檢閱參考共十六萬餘言
 誠學商官紳各界欲詳究民國專
 實者不可不讀之書

著者 孫嘉會

定價 每部七角

代售處 (同下)

代售處

華北革命史 每部定價大洋參角

著作者 孫嘉會
 發行所 素友學社
 印刷者 文嵐簪印書局
 北平 東安市場青雲閣勸業場第一樓各書店及
 仁書局敬文書社建國
 圖書社東方書店景山
 天津 法界天祥市場勸業場泰康商場二十六號
 路各書店及東馬路大
 道書社大胡同集益
 局河北志成書局廣
 書局持二區聚文山房
 南開中學
 鄭州 中華書局
 麗記書局
 保定 鄭州中華書局
 濼縣 鄭州中華書局
 濼陽 鄭州中華書局
 開封 豫都文書店

